



Republika e Kosovës
Republika Kosova
Republic of Kosovo



Komuna e Vitisë
Opstina Vitina
Municipality of Viti/na

PROCESVERBAL

I MBLEDHJES SË GJASHTË TË RREGULLT TË KUVENDIT TË KOMUNËS SË VITISË

Mbledhja u ftua dhe u kryesua nga z.Bekim Azizi, kryesues i Kuvendit të Komunës së Vitisë. Ajo u mbajt më **30.06.2025 (e hënë)**, në shtëpinë e kulturës “Gursel e Bajram Sylejmani”, duke filluar punimet në ora **10:00**. Në mbledhje morën pjesë: kryesuesi i Kuvendit, z.Bekim Azizi; nënkryetari i Komunës, z.Hasan Aliu; këshilltarët e Kuvendit: z.Ramadan Deliu, znj.Valentina Mehmeti, z.Illir Zuka, z.Ekrem Ymeri, zn.Arbnora Hajredini, z.Basri Sylejmani, z.Jakup Demiri, zn.Liridona Bislimi, z.Sejdi Emini, z.Nexhat Halili, z.Remzi Salihu, znj.Majlinda Shabani, z.Durim Sylejmani, zn.Lindita Demelezi, zn.Vilsona Maliqi-Salihu, z.Reshat Azizi, z.Taulant Haxhiu, zn.Anisë Zejnullahu. Pjesëmarrës të tjerë: drejtorët e drejtorive komunale, përfaqësues të Zyrës së Kryetarit, përfaqësues të mediave elektronike dhe të ftuar të tjerë. Munguan: z.Sokol Shaqiri, zn.Zejnepe Osmani, z.Sokol Hyseni, zn.Marigona Avdiu, z.Ali Bajrami, z.Musli Neziri, z.Veton Ramadani, zn.Zyrafete Rama. Pasi u konstatua prania e 19 anëtarëve të Kuvendit Komunal, kryesuesi e shpalli të hapur mbledhjen, duke theksuar se pritet që edhe anëtarë të tjerë të bashkohen gjatë zhvillimit të saj.

Kryesuesi, z.Bekim Azizi: Mirëdita dhe mirë se keni ardhur në seancën e gjashtë të rregullt të Kuvendit Komunal të Vitisë! Përshendetje për të gjithë të pranishmit! Materialin e keni marrë me kohë, dhe gjatë kësaj periudhe prej seancës së kalume, jemi tu e prit konfirmimin e ligjshmërive të akteve nga seanca e fundit. Zakonisht afati është 30 ditë, por 30 ditë nuk janë bërë që janë dërgu, dhe besoj që brenda afatit ligjor do të kthehen edhe ligjshmëritë nga seanca e fundit. Para se ta hapim debatin, e dimë që kohës së fundit kemi pas dëme jashtëzakonisht nga të reshurat dhe breshëri, erërat që kanë qenë në Komunë të Vitisë. Ju bëj thirrje të gjithë atyre që kanë pas dëme, në të lajmrohen tek komisioni që është i formuar për dëme. Besoj që komisioni dalin e verifikojnë pjesën e dëmeve që janë bërë. Para se të hymë në rend të ditës, kemi pjesën për pyetje dhe përgjigje. Fjala është për juve.

z.Illir Zuka: Përshendetje për të gjithë të pranishmit! Para kësaj seance kam bërë një kërkesë Drejtorisë së Shëndetësisë dhe Mirëqenies Sociale, tu e ditë oborrin e ambulantes që ka pas shumë insekte, ka pas edhe ankesa të mëdha, se në atë pjesë ka pas edhe gjarprinj. Uroj drejtoreshë të merrni masa që ta pastroni atë pjesë, se është shumë rrezik edhe për njerëzit që shkojnë me u shëru. Kryesues, dashta me u ndërlidh me ty, se pjesë e dëmeve ka qenë edhe Pozherani, Zhitia, një pjesë e Skifterajt. Dje ishim në teren me drejtorin e bujqësisë dhe kryetarin. E pamë që ka shkaktuar dëme, por përveç saj është që ka pas dëmtime të rrymës, që Pozherani nuk ka pas rrymë 24 orë, mirëpo në pjesën ku është bërë rregullimi, aty një pjesë të madhe të pronës ku kanë punu KEDS-i e kanë dëmtu. Ka pas grunaja dhe misër të mbjellur. Përveç saj, për këto dëmtime a duhet me ju drejtu KEDS-it apo edhe ato duhet me shku tek Drejtoria e Bujqësisë.

z.Jakup Demiri: Përshendetje për të gjithë të pranishmit! Pyetja parë është për komunën që ka rënë breshëri në ditën e premte. A keni ndonjë analizë nga terreni, sa janë dëmet e shkaktume, sa janë numri i fermerëve, dhe a keni parapa diçka në mënyrë urgjente për ndihm atyre bujqve që janë të dëmtuar? Dhe për trotuaret në Komunën e Vitisë, që janë të pa përfunduara që një kohë të gjatë. Kur do të përfundojnë, tu e përfshi trotuarin në fshatin Smirë dhe disa fshatrave të tjera, që kam dalë i kam shiku, vetëm se është ajo gjendja e pa përfundime që 4 vite e tepër, dhe me këtë pyetje po e lidhi me rrugën të vorret qendrore në Smirë, që i kemi pjesën më të madhe të vorreve që kur është rregullu rruga për mal është dëmtu shumë rruga prej lumit e deri te varrezat, thuasje është dëmtu diku 50% e rrugës, e që është investim i banorëve me kontribut të vet banorëve që e kanë shtrur pjesën më

të madhe të asaj rruge, dhe ajo rrugë është dëmtu tej mase. Edhe më herët kemi diskutu, dhe është pas zotë komuna që, do të delë ta shikoj gjendjen si është, por nuk e di a kanë dalë. Dua të di a do të merrni masa.

z.Taulant Haxhiu: Përshëndetje për të gjithë të pranishmit! Pyetjen e parë e kam shumë të rëndësishme rreth anulimit të konkursit në Qifllak dhe në Drobesh. Është anulë konkursi për shkak që nuk kanë qenë të pranum njerëzit e juaj. U sulmu në Zyrën e Kryetarit. I ftoj organet e rendit, që edhe njëherë ta shohin se si është sulmu Arian Alidema në prezencë të z.Hasan Aliut, nga kryetari i komunës. Unë kam bisedu me Arianin personalisht, ai është sulmu dhe është kap për fyti nga kryetari i Komunës, Sokol Haliti. Komuna e Vitisë nuk është e Sokol Halitit. Ai nuk mund me kap për fyti kërkan, se nuk ka të drejtë, e sidomos një shërbyes civil. Plus mua më bënë mu habit, se mos të ishte Melihati, tha mu ndal fryma, po Milihati na dajti, se Hasani veç kqyrke çka po ndodhë. Kjo është e patolerushme për një konkurs, dhe e keni anulë konkurset. Po unë e ftoj dhe një here policinë, prokurorinë, që edhe një here të merret me rastin e Arian Alidemës. Nuk guxon asnjë shërbyes të kapet nga një Kim Jong King siç është Sokol Haliti. Kërkesa ime e dytë. Kam fol qe 1 vjet për bllokimin e sheshit. A jeni tu e pa ku keni ardhë. Të gjitha bizneset sot janë të pakënaqura, të gjitha bizneset sot kanë 50% qarkullim më pak se sa vitet e kalume. Ne ja u kemi dhanë një shesh, por i kemi blloku. Hin në qytetin e Vitisë, i ke 10 lokale tu dhanë me qera. Tregom ti, kur të vijnë edhe 10 mijë banorë mërgimtarë, ku kanë vend në parking, çka keni bënë për ta, çka keni mendu? Unë nuk po mujë me parku kerrin. Unë e kam lanë kerrin atje poshtë, por llogaritne që vijnë dhe nja 15 mijë banorë që vijnë. A keni mendu për ta, a doni krejt me i qu në Gilan, Ferizaj. Ai nervozohet kur ta shoh të bllokume Vitinë, shkon dhe i lë paret në Gilan dhe Ferizaj. Po i dëmtoni bizneset. Pyetja 3, unë dje kam pas një takim me taksistat e Komunës së Vitisë. Taksistat ku e kanë lokacionin sot, janë krejt të paknaqur. Beso që, çdo taksist tha për 80-90% na ka ra qarkullimi. Ata janë qytetar, janë qytetarë tanë, janë njerëz që mbajnë familje prej taksit. Kërkesa e tyre është i nderuari Aliu, të jenë te Tribari deri tek 2 kontinjerat që janë përball parkingut privat. Aty thanë që janë mirë, këtu nuk po ja vlenë, se as 6 euro në ditë nuk jemi tu bënë qarkullim. Ata mbajnë familje. Nuk është interes i askujt të ja ndalim bukën e gojës asnjë qytetari të Komunës së Vitisë.

z.Basri Sylejmani: Përshëndetje për të gjithë të pranishmit! I shprehi keqardhje fermerëve të Vitisë që kanë pas dëme dhe nëpër shtëpi dhe nëpër toka bujqësore. Ishalla don Zoti e më nuk përseritet. Komisioni është formu me bënë vlerësimin e tyre. Pyetja parë është për një rrugë në Qifllak-Novosellë, dhe rruga e Sllatinës “Skender Ramadani”, Rruga “Zeneli” në Skifteraj është moti në projekt, por e cila nuk u bënë deri sot.

zn.Lindita Demelezi: Përshëndetje për të gjithë të pranishmit! Në pyetjen time ju bashkangjitem kolegut: pse janë anuluar konkurset e fundit për çerdhen në Drobesh? Kërkoj sqarim nga shefi i personelit. Pyetja tjetër: pse nuk është miratuar rregullorja për sistematizimin e vendeve të punës? Pyetja tjetër është që, në disa seanca të mëparshme kam ngritur shqetësimin lidhur me ndriçimin publik të lënë përgjysmë nga shkolla Sllatinë në drejtim të Pozheranit. Kjo rrugë është shumë e frekuentuar nga banorët e fshatrave përreth, si dhe nxënësit që udhetojnë çdo ditë në këto 2 drejtime. Përveç mungesës së ndriçimit, edhe trotuari është në gjendje të keqe ka dëmtime të kubzave, ndërsa pjesa më e madhe është e mbuluar me bari, gjë që e vështirson lëvizjen e këmbësorëve dhe rritë rrezikun e aksidenteve, sidomos gjatë orëve të mbrëmjes, prandaj kërkoj nga ju që të bëhet një zgjidhje e shpejt e përfundimit të ndriçimit publik, dhe të merret masa për mirëmbajtje dhe pastrimin e trotuarit.

z.Nexhat Halili: Përshëndetje për të gjithë të pranishmit! Pyetja e parë ka të bëjë me ujin e pijes. Shumë fshatra në Komunën e Vitisë kanë nevojë për ujë të pijes, ujë për amvisëri etj. Shpesh nëpër seanca, takime dhe aktivitete të ndryshme është ngritë çështja e ujit të pijes, mirëpo rezultatet deri më tani janë mos të themë të barazume me 0. Në disa vendbanime është instaluar rrjeti i ujësjellësit, në disa është në proces, në disa tjera nuk është fare fillimi i instalimit të rrjetit të ujësjellësit, ujësjellësi i cili lidhë 5 fshatarat: 2 Sllatinat, 2 Sodovinat, Trestenikun, i cili është duke funksionu në disa lokalitete, edhe pse nuk mund të përdoret për pije, por të paktën përdoret për amvisri. Problemi është se, në disa lokalitete janë të kyqura vendbanime të rrjetit të ujësjellësit, por ujë nuk kanë fare, dhe më e keqja është se, lagjia “Simigjiu” në fshatin Trestenik, e cili e ka diku afër 20 metra bazenin, mirpo prej ati bazeni ujë nuk mund të përdoret as për amvisëri e mos të falsim për pije. Në buxhetin e

Vitisë për vitin 2025 është parpa vlere 40 mijë euro, dhe në 2026 vlere 20 mijë euro për projektin, funksionalizim të ujësjellësit në fshatrat Zhiti, 2 Sllatina, 2 Sodovina, Trestenik, Dobolde. Ky projekt është edhe në planin e prokurimit për vitin 2025, i cili është planifikuar të filloj procedurat e prokurimit nga muaji mars, diku me 17.03.2025. Kanë kaluar më shumë se 3 muaj nuk është marrë asnjë hapë në këtë drejtim. Kur do të fillojnë procedurat e prokurimit, në mënyrë që edhe këto lagje vendbanime të cilat kanë mungesë të ujit të kyqen dhe të kenë ujë në të ardhmen. Pyetja tjetër ka të bëjë me grandin e performances për vitin 2021, i realizuar në vitin 2023-2024. A mund të na tregoni vlerën e grandit të performances për vitin 2023. Sa projekte janë të përfshime në këtë plan a është vlere e shpenzuar e këtij grandit dhe pse nuk është shpenzuar grandit në përgjithësi, por një pjesë e këtij grandit është kthyer mbrapa, dhe një pyetje kam për drejtoreshën e shëndetësisë. Në fshatin Sllatinë e Epërme është ambullanta, e cila funksionon e vetme me 2 infermiere, por mjek të përgjithshëm nuk ka. I ka gati më shumë se 2 vite ku mjeku i cili ka punu në atë ambulant ka dalë në pension, mirëpo prej atëherit nuk është bërë zëvendësimi. Kur duhet të bëhet zëvendësimi, që të ketë mjek në atë ambulant? Dhe një pyetje për drejtorin e shërbimeve publike. Oborri i ambulantes është i kapluar prej barishtave, nuk e ka pastruar askush. Me këtë pyetje nderlidhet dhe ambullanta e Qendrës së Mjekësisë në Pozheran. Tek analizat në katin e dytë janë 3 banjo, 2 nuk funksionojnë. Pse është kjo gjendje?

z.Sejdi Emini: Përshëndetje për të gjithë të pranishmit! Kam pyetje të cilat i kam bërë edhe 2 seanca më herët, mirëpo deri sa kemi kërkesa të qytetarëve, ne jemi këtu për ato kërkesa. Tek rregullorja për sistematizimin e vendeve të punës është një kërkesë që pothuajse do të hasim në qytetarë dhe në punonjës të shërbimit civil në Komunë të Vitisë, që konsiderojnë që ju bëhet e padrejtë. Sa ju përket pagave të tyre, e dimë që shumica e tyre mbajnë familjet me ato paga, dhe shumica e komunave e kanë rregullu këtë çështje. Unë mendoj që është një padrejtësi e madhe ndaj tyre dhe familjeve të tyre. Pse është vonu, nuk e di, mirëpo mundem me thënë me plotë përgjegjësi, nëse lëvizja vjen në pushtet, qysh në muajin e parë kemi me rregullu këtë punë. Po kahet shumë me lotë krokodilit sa i përket breshërit nëpër fushat, sidomos të Skifetrit, Kllokot e Radivojc. Një pjesë prej jush jeni dëshmitar që, që 3 mandate jam dhe kam kërku që me qenë një stacion meteorologjik për matjen e kohës dhe shpërndarjen e breshërit, që mos me i lanë me i dëmtu kulturat bujqësore. Nuk e di a e ka lodh kush kokën për këtë çështje, mirëpo unë si fëmij kur kam qenë, e di që kanë funksioni disa metoda të tilla në fshatin ku kam qenë unë. Tash në këtë kohë nuk e di se ka lodh kush fare kokën dhe tash normal që bjen breshër mundë me i shkatrru me i demtu mirpo janë njerzit që i bëjnë parandalimet dhe planet afatgjate dhe mendojnë gjatë për qytetarin dhe të ardhmen e vendit të tyre. E di që tani është kohë sezonale, është mirë që së paku brenda 10 dite do punë që janë tu punu në disa vende kyqe me i liru rrugët para se me ardh mërgata jonë. Nëse bëhet si është bërë vjet kaos, shumica prej tyre paren kanë shku e kanë lënë jashtë Komunës së Vitisë, sepse detyrohen.

znj.Majlinda Shabani: Përshëndetje për të gjithë të pranishmit! Gjithsecili jeni tu e pa që çështjet të cilat ne për çdo seancë ne i kemi ngrit si shqetësim, janë ato të cilat i përkasin nevojave bazike të qytetarëve të komunës së Vitisë. Është çështja e ujit të pijshëm, kanalizimeve, ndriçimit publik dhe shërbimeve të tjera. Jemi në fund të një qeverisje 4-vjeçare të një kryetari i cili ka 3 mandate qeverisje, edhe është dështimi më i madh që nuk ka arritë për kaq kohë të paktën me pa se sa me seriozitet është tu i trajtu këto problematika, dhe ne si këshilltar komunal, në vend se me u fokusu në politika dhe në çështje të cilat duhet me qenë shumë më të avancume, me zhvillu Komunën e Vitisë, ne prapë po kyqemi pikërisht në këto problematika. E kemi parë që mjafton veç një shi me ra në Komunë të Vitisë dhe me pa gjendjen e rrugëve që bëhen në Komunë të Vitisë. Çështja e parë u përmenden dëmet që janë shkaktuar në bujqësi. Përpos kologut asamblast që e përmendi aspektin tjetër qysh në fillim të mandatit, unë e kam ripotencu që është mirë si komunë me parapa dhe politika të reja. Në këtë rast kam propozu që në këto raste me pas një fond rezervë të parpamë pikërisht nga buxheti i Komunës së Vitisë, se e dimë që për çdo vit ne kemi reshje dhe po kemi dëme me të mbjella, dhe ajo çka kam kërku që të bëhet një fond rezervë, që të paktën sado pak me i dalë në ndihmë të këtyre fermerëve. Nuk mundemi me dalë thjesht me i vizitu, me bërë një postim në fejsbuk edhe me kaq me u përmbyll kjo temë. Unë po shpresoj që komisioni ka me bërë vlerësimin real. Tash e kam parë që edhe ministri ka radhë në vizitë, dhe ai ka shpreh gatishmërinë për me i dalë në ndihmë, dhe konsideroj që kjo ka me qenë mandati i fundit për të cilën kemi parë që kryetari nuk është

fare i fokusum në këto politika të cilat e prekin direkt mirëqenien e qytetarëve. Adresimi i dytë ka të bëjë me inspektorët e trafikut. A ka inspektor të trafikut Komuna e Vitisë? Dhe nëse nuk ka, pse nuk ka, dhe gjithashtu mirëmbajta e trotuareve në Komunë të Vitisë, drejtori me na tregu gjendjen e troturave, tu i përfshi dhe fshatrat, me pa se sa janë tu mirëmbajt, sepse ne e dimë që kemi mjete të shpenzuara për mirëmbajtje të troturave, dhe nuk është në rregull që, kur të bëhet një investim mos me mujtë me u shfrytëzu prej qytetarëve.

zn.Liridona Bislimi: Përshendetje për të gjithë të pranishmit! Dua të diskutoj rreth temës për shtegun e atletikes, që është te fusha sportive në fshatin Drobesh. Kryetari, Sokol Haliti ka ditë me bë një proklamim shumë të madh, ka bë postime në rrjete sociale, video të gjata si një punë shumë të madhe, mirëpo kryetari nuk e di a e ka mëndu që shtegu i atletikes nuk përdret vetëm ditën, qytetarët e shfrytëzojnë edhe natën. Si nuk e ka mëndu ndriçimin publik. Përpos ndriçimit publik, janë edhe barrojat, janë problem i madh, se aty dojnë dhe fëmijët, moshat më të vogla me shfrytëzu si aset i komunës. Nëse kishi mujtë me pas mundësi këtë çështje sa më shpejt për shkak se unë mendoj se, kur është finalizu, ka dashtë me qenë dhe ndriçimi publik si një punë e mirëfillt e kryetarit të Komunës së Vitisë. Nënkryetar, e dimë që jemi tu hy në stinën e veres, kemi pas edhe viteve të kalume një problem të ngjashëm, është çështja për dezinfektimin e territorit të komunës, për problemin e mushkonjave. Mundeni me marrë shembull Komunën e Gjilanit, e cila veç ka fillu një praktikë të tillë. E di që nuk keni fillu me bë, a keni bë ndonjë planifikim nëse filloni me bë kur me fillu me praktikë. Dhe bursat studentore, e keni hap aplikimin, studentët kanë apliku, mirëpo çka është me rëndësi, në vitin e kaluar, në muajin prill ju veç i keni qitë emrat që kanë qenë përfitues, edhe i keni shpërnda bursat studentore. Tash ne po hymë në muajin korrik, nuk ka asnjë lajm, dhe studentet po dojnë me ditë se kur kanë me i marrë ato pare. Ata veç i përfundun ligjëratat realisht, ju jeni tu dashtë me shty sa më shumë, për shkak se është pjesa e fushatës lokale, për me shfrytëzu. Kjo është e ditur, e kemi mësue, është politikë e Sokol Halitit. Dhe çështja tjetër, ka qenë një lloj tronditje edhe për banoret e fshatit Drobesh, për këshillin e fshatit. Kemi pas takime tek çështja e konkursit. Natyrisht edhe për çerdhe në Qifllak, por ne po flasim specifikisht për Drobesh, se jemi banor të fshatit Drobesh. E dimë, po kuptohet se është term politik, është punë politike, është anulu konkursi për shkak që keni bë një arsyetim shumë jo të logjikshëm, për shkak të zgjedhjeve, kinse kanë qenë nacionale. Zgjedhjet u kryen në muajin shkurt, tash po hymë në muajin korrik, prapë u hapë konkursi i cili ka qenë i gatshëm, prapë është anulu. Ka pas qarkullime të mëdha të emrave, që veç se kan qenë përfitues të këtyre konkurseve, dhe ne si banorë ndihemi shumë të fyem me këtë situatë që ka ndodhë, për shkak se jemi bë temë diskutimi. I përmend, ajo çështja e kolegut Taulantit, të cilën unë nuk dua me hy me diskutu, për shkak se është jo e hijshme se si insitucion, se në çfarë rrethanash jemi tu përball. Unë nuk e di nëse keni ndëgju ndonjë rast në komuna tjera, këto gjëra që kemi ndëgju këto ditë të fundit, tash po flas sepcifikisht. Na të fshatit Drobesh, se çerdhja është aty, dhe për shkak të këtij konkursi, nuk po flasim veç për konkursin e mësimdhënësit. Ka dal në diskutim që, për një korril ka kris boksi në Viti. A e kuptoni sa jo e hijshme është? Çka me prit tash na benorët e fshatit Drobesh, nëse për një korril, për një punëdhënës që është, d.m.th profesionale më të thejsht, të mundesh me u bë gjithë kjo zhurmë. Çka me mendu ne që respektohet ndonjë punë, profesion tjetër.

z.Ali Bajrami: Përshëndetje për të gjithë të pranishmit! Një pyetje për drejtreshen e shëndetësisë. Këtë vit me ngritje të temperaturave kemi edhe një rritje të zvarranikëve. Pyetja është, QKMF-ja dhe AMF-të a janë të furnizuara me vaksina, se vaksina është shpëtim jete i njeriut. Pyetja tjetër për drejtorin e bujqësisë. U fol e u diskutu vetëm. Pyetje direkte: a është komisioni i formum për vlerësimin e dëmeve? Se fermerët e vyshëm në Komunë të Vitisë, me këtë fatkeqësi kanë psu dëme të konsiderushme materiale.

z.Halil Musliu, drejtori i inspeksionit: Përshëndetje për të gjithë të pranishmit! Siç e dini, unë jam frik në këtë drejtori, dhe aty ka qenë një inspektor i trafikut, është anulu konkursi. E di që është largu për shkak të një vendimi nga komisioni i pavarur i shërbimit civil. Tash është konkursi, është bërë pjesa e parë e intervistes, d.m.th Zyra e Personelit e dinë ku janë procedurat, por besoj që së shpejti do të bëhet pranimi. Unë kam kërku që inspektori i komunikacionit i shërbimeve publike dhe i pronës, se është një vakum i madhë në inspeksion. Për 2 e di që është qitë konkursi, dhe është tu bë përzgjedhja për të 3-in kanë thanë që nuk është në plan të personelit.

z.Naim Pira, drejtori i bujqësisë: Përshëndetje për të gjithë të pranishmit! U parashtru një numër i madh i pyetjeve sa i përket Drejtorisë së Bujqësisë. Po, jemi dëshmitar që, me datë 27 ka ndodh fatkeqësi natyrore, kemi pas të reshura nga breshëri që ka dëmtuar një pjesë të territorit të Komunës së Vitisë, përkatesisht fshatrat Radivojc, Skifteraj, Pozheran, Zhiti dhe një pjesë tjetër të territorit të Komunës së Vitisë. Natyrisht si drejtor i bujqësisë bashkndej me të gjithë ata fermer që kanë pas dëme për faktin se edhe unë rrjedh nga një familje që tradicionalisht jemi marrë me bujqësi, dhe kur ka dëme të tilla është e dhimbshme, por ne si Drejtori e Bujqësisë jemi angazhu me thanë të drejtën nga momenti i kësaj fatkeqësie të merremi me fermerë, dhe e kemi formu komisionin. Sot e kam parë një vllug të bujqve që kanë qenë në drejtorinë tonë të bujqësisë, me u infromu rreth formës, mënyrës, paraqitje së ankesave. Në këtë drejtim ju kemi ndihmu me zyrtarët e bujqësisë. E kemi bërë nga një formular, ja u kemi shkep të gjithëve që me ja lehtsu punën e tyre, në mënyrë që ata t'i adresojnë kërkesat e tyre Drejtorisë së Bujqësisë, mandej të del komisoni ta bëjë vlerësimin e dëmeve. Në bazë të shikimeve vizuale mund të themi se, në këtë pjesë dëmet janë të konsiderueshme, por analizën përfundimtare sigurisht do ta jep komisioni mas daljes në teren te secila parcelë, secili fermer që ka bërë kërkesë. Pat pyetje të natyrave të ndryshe.

z.Sejdiu e bëri një pyetje: pse nuk është ndërmarr diçka rreth mbrojtjes siç ka qenë përpara me sistemin e kalum. Nuk është e vërtet që nuk kemi bërë përpjekje në këtë drejtim. Bile me marrë informacione të kësaj natyre dhe informacionet e para janë që kemi marrë, se hapësiren ajrore e menaxhon KFOR-i dhe nuk lejon të vendosen sisteme mbrojtje siç kanë qenë më përpara, kështu që duhet të ketë leje të posaqme nga KFOR-i, dhe këtë çështje e bënë ministria, nuk e bëjnë drejtoritë komunale, duhet me ditë secili. Sa i përket daljes në teren të ministrave dhe zëvendës ministrave, nuk është hera e parë që dalin në teren, bile qe 4 vite sa jam drejtor i bujqësisë, kurrë se kanë parë të arsyeshme me trokit në derën e Drejtorisë së Bujqësisë, me marrë informacione më bazike në lidhje me Komunë të Vitisë, por tash është vit zgjedhor dhe e di që kanë me ardhë të gjithë, kanë me bërë përpjekje ndoshta në mënyrë po e quajmë kështu me i manipulu bujqit, sepse qe 2 vite me radhë me plotë kuptimin e fjalës edhe ju si kuvend keni miratu këtu dhe keni votu dëmet të cilat janë bërë në bujqësi, sepse për çdo vit pothuajse ka dëme në bujqësi nga ana e breshrit, shiut etj, dhe ja ku i keni këto vlerësime, që 2 vite nuk ju është ndarë bujqve asnjë cent nga ana e ministrisë, sepse me një udhëzim administrativ në formë politike fondet të cilat kanë qenë në Ministrinë e Bujqësisë kanë kalu në Ministrinë e Punëve të Brendshme, në Agjensionin për Menaxhimin e Emergjencave. Unë ju kisha inkuraju të gjithëve, edhe ju që keni pushtetin nacional po e thamë, tani është një vakum institucional, po nga minsitrat në detyrë apo deputet ta bëjnë një trysni, bile bujqve të ja u paguajnë jo veç dëmet e këtij viti, por edhe dëmet e viteve të kaluara, sepse edhe viti 2023-2024 bujqit kanë pësuar dëme dhe nuk i u është kompenzu asnjë cent, prandaj unë po ju sugjeroj dhe po kërkoj nga bujqit, të gjithë ata që kanë dëme në parcela të tyre, ferma të tyre, t'i drejtohen Drejtorisë së Bujqësisë, të bëjnë kërkesa në mënyrë që të dalim dhe ta bëjmë vlerësimin. Në këtë drejtim nuk kemi me prituri hiq, kemi me dalë në teren dhe ndoshta edhe si kërkesë e imja nëse nuk besojnë kanë të drejtën ministira ta dërgojnë ndonjë anëtarë të komisionit, pse jo për me qenë nëse dyshojnë me qenë vlerësimi më i lartë.

znj.Merrushe Ahmeti, drejtoresha e shëndetësisë dhe mirëqenies sociale: Përshëndetje për të gjithë të pranishmit! Sa i përket pyetjes së z.Ilirit, më lejo të themë se, Drejtorja e Shëndetësisë nuk ka pajisje për barishte të forta, mirëpo ne jemi në bashkëpunim me z.Aliun, i cili është drejtor i shërbimeve publike. Ne me rastin e informimit e kemi paraqit kontestin tek Aliu dhe më ka premту që ka me u kry, mirëpo shkak i disa çështjeve teknike, mirëpo më tregoj më herët se sot do të kryhet si çështje. Kjo lidhet me Sllatinën, do të kryhen si çështje. Sa i përket mjekut në Sllatinë, qe 2 javë nuk është mjeku aty, për arsye se në qendër ka mungesë të stafit mjekësorë, për arsye se është koha e pushimeve, në këtë rast normalisht ata zëvendësojnë njëri tjetrin. Ai do të kthehet të mërkurën. Sa i përket banjove në Pozheran, po janë të mbyllura për arsye se nuk kanë pranim teknik, mirëpo do e shofë mundësinë financiare me futë si çështje dhe me rregullu. Dhe një pyetje nga z.Aliu rreth vaksinave nga zvarranikët. Si çështje, Ministria e Shëndetësisë e parashef që mos me qenë vakcina të tilla në nivel lokal, për arsye se konsiderohet që helmi është diku 2 orë deri 4 orë, dhe si e tillë e parashef që me kalu në nivel regional dhe nuk ju lejohet me ligj që me kalu në nivele lokale.

z.Basri Aliu, drejtori i shërbimeve publike: Përsëritet për të gjithë të pranishmit! Për pastrimin e oborrit QKMF në Pozheran, shpresoj që sot kryhet, sepse është në teren kompania, edhe pse nuk e kemi obligative, por është çështje që duhet me u kry, pa marrë parasysh se cilës drejtori i takon, ne jemi një, ndërsa për taksistat, kërkesë e taksistave ka qenë që me dalë atje, sepse një vendim e kanë pas me qenë këtu, ata prej ktuhit kan lypë me i transfreu atje, d.m.th kërkesa ka qenë e tyre, sesa kanë punë, unë shpresoj që ata të kenë sa më shumë punë, sepse e di që edhe ata mbajnë familje, por ajo nuk varet prej neve, ndërsa vendin e kanë caktu vetë atje dhe e kanë vendos aty me qenë. Dëshira e tyre është. Edhe unë po rri me ta çdo ditë thuajse. Ata po kërkojnë edhe me qenë në qendër të sheshit, por janë disa mundësi që nuk mujnë me u vendos aty. Ndriçimi i rrugës Sllatinë-Pozheran kishte qenë mirë me u bër dhe aty, por ana financiare. Sa për barnishta, unë kam qenë pardje në rrugën Sllatinë-Pozheran, pjesë pjesë ka nevojë me ndërhy aty, dhe sot do të ndërhyjnë aty, por nuk është në gjendje bash si po e paraqet. U përmend edhe për barnishta tjera, realisht rrugën Pozheran-Viti ka përfund. Rruga për Binç, edhe aty po. Buzoviki ka kërku gjithashtu, edhe atje sot në Sllatinë-Viti sigurisht janë tu punu, se ka pas një defekt makineri dhe do të përfudon dhe ajo rruga që e permende Pozheran-Sllatinë. Do të ndërhyet edhe në QKMF. Po kemi probleme edhe në rrugë magjistrale, të cilat nuk janë në kompetencën tonë. Ne do t'i shohim mundësitë e buxhetit, a mund të ndërhyjmë në rrugë magjistrale apo jo.

z.Hasan Aliu, nënkryetar i komunës: Më lejoni të ju përsëritet. Të nderuar të pranishëm! Kam bërë përpjekje t'i shënoj të gjitha pyetjet, edhe ato të adresuara për kabinetin e kryetarit edhe të drejtorave, megjithatë më vjen mirë për shqetësimet e ngritura nga ana e juaj, por unë sot kam pritë fillimin e seancës me diçka tjetër. Nuk dashta me ndërhy deri sa të më vjen radha, megjithatë muaji qershor ishte muaji i rëndë për Komunën e Vitisë, që i kishim 3 humbje në forma të ndryshme, 2 të rinjve dhe 1 të reje. Një e cila ndodhi jashtë territorit të Komunës së Vitisë, në Kaçanik, një në botën e jashtme, serish i ri. Dhe tjetra, serish në botën e jashtme, në mesin e 15 viktimave, prandaj kryesues, me propozimin tim kërkoj 1 minut heshtje.

Kryesuesi, z.Bekim Azizi: Faleminderit nënkryetar! Kërkoj 1 minut heshtje për nderë të humbjes së të rinjve tanë nga Komuna e Vitisë. I leht u qoftë dheu!

z.Hasan Aliu, nënkryetar i komunës: Faleminderit kryesues për mirëkuptimin me respektin për ato familje, duke ju bashkngjitur dhe ne dhimbjes së tyre, ishalla e kalojnë sa më leht humbjen e të afërmeve të tyre. Do të bëjë përpjekje me korrektësi të ju përgjigjem pyetjeve. Ilir, pyetjen e parë, përgjigjen e morre, ndërsa të dytën konsideroj se dëmet të cilat i shkakton kompania, në këtë rast KEDS, që është kompani e privatizuar, konsideroj që kërkesa duhet t'i bëhet KEDS-it, se ato kultura janë prishë duke i mënjanu defektet që kanë qenë, që i ka obligim. Një pyetje të cilën konsideroj nuk u shtru, Naimi për shkak që dëlë: a keni ndonjë analizë të terenit për çështjen e dëmeve të cilët janë bërë. Unë besoj se deri më tani, jo për shkak se komisioni është i formuar, do t'i afrojmë kushte teknike dhe do të jenë në teren që ta bëjnë një vlerësim sa më real konformë normave pozitive që janë në Republikën e Kosovës. E di, se e kam vizitu edhe vetë personalisht terenin prej Nasale deri në pjesën e Zhitisë, Skifteraj, është një sipërfaqe bukur e madhe, por diku më pak diku më shumë, besoj se tu e pas parasysh profesionalizimin do ta bajnë formën më të mirë të mundshme. Çështja tjetër: trotualet kur do të përfundojnë. Unë konsideroj që e ke mirëkuptimin tim, nuk e kam për me të ngucë, veç në momentin që na rimbursojnë këto që na u kanë marrë nga kontrata kolektive, ju e dini që na kanë prishë edhe strukturën e buxhetit, na kanë mbetë shumë projekte në gjysmë, vlera e ka kalu 7 milion e 700 mijë. Nuk janë tu i marrë krejt nga investimet kapitale, por shumë ka nga investimet kapitale. E kam parë, e di se një vlerësim i tillë tash ndoshta me shkrim jo, por e di që inxhinierat i ka qitë kryetari, se ke bër shumë herë pyetje për atë rrugë, dhe e ka parë që është e dëmtuar, por konsideroj që nuk është e projektuar, se është në mungesë të buxhetit, se sa rrugë është ajo, ka mujtë kur janë mjetet tu e shtru një rrugë tjetër me kalu, dhe atë e kam parë vetë, kam qenë aty. Çështja e konkurseve është e drejt ekskluzive e kryetarit të komunës së abshku me zyrat që i ka, në këtë rast Zyrën e Personelit. Është edhe hapja, por edhe e drejt anulimi në rsat se konsideron se nuk është çështja e mirë. Dhe unë konsideroj se, është e drejtë e kryetarit dhe e ka bër atë çështje. Nuk është mirë me i politizu dhe me i zmadhu çështjet, nuk është një realitet që është sulmu personi zyrtar. Është një realitet se politikë mundë të ketë gjithherë, por larg asaj, dhe prandaj nuk është mirë me i keqpërdor këto çështje. Bllokimi i sheshit. Nuk ka çështje që rregullohet pa u blloku.

Në radhë duhet me u blloku e mandej mu rregullu. Unë besoj se pe merrë formën e vetë të cilën e dëshirojnë qytetarët e Komunës së Vitisë e dëshiron edhe ti, dhe një ditë ke me thanë që, me të vërtetë u bë bukur. Dëmet për fermer u diskutun shumë. Unë besoj që do të punohet në atë drejtim dhe ajo listë do të ju vie edhe juve këtu, se gjithërë është ardhë në kuvend, për çdo vit kemi pas, por herë më shumë herë më pak. Deri tani nuk është kompenzu, por e drejtë e jona është me evidentu, me vlerësu dhe me dërgu dhe me kërku pagesën. Ishalla këtë vit hasim në mirëkuptim. Besoj se këtë vit hasim, se edhe unë jam idhtar i asaj, janë zgjedhjet, e kanë mirëkuptimin, por megjithatë është me rëndësi me ju dhanë fermerëve, se me të vërtetë disa janë dëmtu. Rruga Qifllak-Novosellë, besoj që është pasoj e kësaj kontrata dhe rruga “Zeneli”. Për çështjen e konkursit tu përgjigja. Lindita, çështja e rregullores është në procedurë e sipër, besoj se së shpejti edhe ajo çështje do të rregullohet. E di që një komision është i formu prej anës së kryetarit, deri ku ka ardh nuk e di, e di se kanë punu bukur shumë. A është në përfundim, besoj se duhet me qenë. Nexhat, te uji i pijes, unë e di se kompanisë ja kemi dhanë në mbikëqyrje, dhe i ka disa defekte. Kanë bënë një komision, ka qenë me dalë me i kqyrë defektet, me i eliminu. Këto 5 fshatra ka qenë një zhagitje bukur e madhe, për shkak ka pas disa defekte në elektrikë. Është lypë një ekspert i elektros. E di se i kanë ndihmu edhe kompania, njerëzit profesional të kompanisë regjinale dhe besoj që është e përgatitur për me u tenderu dhe mu eliminu do defekte. Grandi i performances nga viti 2021 në vitin 2024. Nuk i di përmendësh, por në seancën e ardhshme do ta kesh formën dhe pse janë kthi. Sejd, për rregulloren the që Vetvendosja ka me rregullu. Ishalla nuk i rregulloni si në qendër, se në rast se i rregulloni si në qendër, ishalla nuk vini kurr, se si model keni tregu se nuk bëni kurgja. Për stacion kundër breshrit. Besoj morre përgjigje, është e nivelit qendror, e keni këtë mundësi, e ke pas Fatonin, ke mujtë me i thanë atë ditë kur ka qenë, pse nuk e ke ndreq, por ndoshta e ke kursy. Jam idhtar i asaj që, sa më shpejt të përfundojmë çështjen e implementimit të këtyre projekteve në Viti, për shkak që duhet të bëjmë përpjekje gjithsecili, që bashkatdhetarët tanë ti presim formën më të mirë të mundshme, edhe ta keni levizshmërinë për shkak edhe të asketit ekonomik, njerëzorë, moral që e kemi ndaj tyre, që besoj që kanë qenë shtyllë e shtetit deri tani, sidomos në aspekt financiar. Linditë, ta kisha pranë këtë me thanë veç po dalin në fejsbuk sa me dalë. Te dëmet në bujqësi. Thuj Fatonit, se ne jemi kompetent. Shko thuj atij ministrit tanë, kur të vish tjetër herë, dije, duhet me thirrë kryetarin e komunës, drejtorin e bujqësisë, kryetarin e këshillit të fshatit, dhe me dalë me vizitu terenin. Është rendi, ka rend institucional. Nuk mund me ardh në oborr të Hasan Alisë pa më thirrë mua, nuk ka kuptim kjo. Këtë e bëni veç ju, por shkoni tregoni atij, duhet me thirrë. Në rast se nuk e dini këtë, ja u mësojmë, por rendi është kështu. Liridona, në plotni pajtoj që duhet me pas ndriçim, por kapaciteti buxhetor ka qenë qaq. Askush nuk thotë që duhet me pas aq, ajo duhet me u shfrytëzu 24 orë, se atë shteg është me fat që e keni në territor të drobeshit, mirëpo ajo është për krejt qytetarët e Komunës së Vitisë. Që ka thënë kryetari është aset i komunës, pa dyshim, edhe ti pajtohesh që është aset i komunës. Dezinfektimin e kemi bënë në kohën e pandemisë. Po tregoj të drejtën, në duart e juaja është me i thanë rimbursoni ato që po na e merrni, se kërkesat tona janë 10 apo 15, e nuk është problem me bënë dezinfektim, është tema më e mirë e mundshme. Bursat studentore. E di që komisioni e ka përfundu, dhe po ta jap një informacion të mirë prej 150, e di që kryetari ka prurë vendim, si zakonisht për çdo vit, jo për vit zgjedhor, por çdo vit, gjithë ata të cilët e meritojnë në kushte të rregullta, në përputhje me rregulloren, i ka nda më duket diku 260 bursa. Nuk e di sakt shifrën. Si çdo vit edhe këtë vit. Pse i kemi shty. Është kanë mungesa e parave. Po na merrni. Kur të vijmë në mëngjes nuk janë. Nuk duhet me u prek. Drobeshi, për çështjen e çerdhes. Çerdhja teritorialisht është në Drobesht, përndryshe ajo do ti shërben krejt lokaliteteve.

z.Taulant Haxhiu: I nderuari Nënkryetar! Mua më the që nuk është realitet ajo që ka ndodh në Zyrën e Kryetarit. Arian Alidema mu ma ka thënë, prezent ka qenë edhe Fatlum Demiri. Në qoftë se Sokol Haliti nuk e ka kap për fyti në prezencë tane Arian Alidemen nga Pozherani, kurrë në jetë më me politik nuk mirrna, dhe kurrë në qytet të Vitisë nuk dalë. Je njëfar burri madh, pranoje realitetin. Pse nuk pe pranon që e ka kap për fyti, për shkak të konkursit në Drobesht? Pse nuk pe pranon? Ke qenë prezent dhe nuk ke livrit prej vendit. Ne të njofim si burrë të madh. Mos të kishte qenë Melihatja, tha kesh tu vdek. Qe, prezent e kam edhe Fatlum Demirin. Në të betohet që nuk ka qenë ashtu, unë tash e lëshoj kuvendin. Kallxone realitetin çka ka bënë një kryetar siç është Sokol Haliti, kurse për konkurse, a ka të drejtë me i anulë kryetari a jo, është fat që e kam sot shefin e personelit

prezent, z.Hysen Ymeri. Kam dëshirë që ai me sqaru rreth këtyre 2 konkurseve, por mos më demantu diçka që është realitet, dhe ke qenë prezent ti bile. Unë të njof si burrë të madh, që fjala jote peshon. Jo me thanë me ma demantu mu. Qy ku ka qenë njeri prezent. E thirrmi Arianin, unë nuk dalë më në Viti. Nuk guxon me kap njerin për fyti. Unë në kompani teme private, që muj nesër me qit prej punës, nuk muj me kap për fyti, e po e kap në komunë. Kush është ai mbret? Nuk është, ai veç është diktator. Unë Kim Jong i kam thanë moti. Qysh po thu sheshi nuk u përfundu hala qe 2 vite? Kallxom ti mu, a po e shef Vitinë ma të bllokume sot a më herët. A ki ankesa ti prej bizneseve si unë që u blloku krejt Vitia? Ku e parkon kerrin ti kur të vjen në mëngjes? Po kjo është në interes që po më therrë mu, se unë çdo ditë jamë në Viti. Ti në mëngjes e le kerrin te komuna, në 4 hecë. Te puna e taksistave. I nderuari Aliu, dje kam dalë në 8:30 në mëngjes me pi kafe, më thanë a ka mundësi me u ndalë 5 taksista. Më thanë, Taulant, të lutem që, a beson që nuk jemi tu mujtë me ja dalë kurrqysh atë informatë. Dje e kam marrë, ata dje më thanë, a ka mundësi me dalë te vendi ku kanë qenë më herët, është kërkesë e tyre se e kanë për bukë të gojës. Ata jetojnë prej asaj, nuk kanë ka marrin. Ne e kemi bënë sheshin e me i lanë njerzit pa punë, e kemi bënë sheshin me blloku Vitinë. Hajt tregom ti, z.Aliu edhe një here se, që 2 vite u myt tu folë për këtë pjesë, tregom. Një mërgimtar niset ose prej Drobeshit në Viti ose prej Mediteranit, kur të niset për qytet, si mund të hy në shesh, ku mund me parku kerrin. Ne i kemi demtu bizneset, ja u kemi qu Gilanit e Ferizajt, bizneset e presin këtë sezon, korrikun dhe gushtin, rritet qarkullimi, puna, lëvizja. Me këto 2 muaj bizneset qarkullojnë 10 muaj të tjerë. Krejt jemi tu i hup, ata si me sezon si pa sezon, se sheshi edhe bllokada e hapsorave të parkingut ja u ka bënë këtë. Edhe një herë po themë për punën e kryetarit. Trego si ka qenë, se ke përgjegjësi, je burrë i fjalës, nuk njof burrë më të madh se ti në LDK, as në Remnik. Ndoshta ka plotë, por unë nuk njof. Të lutem, trego realitetin se si e ka kap për fyti Arianin, edhe nuk je qu ti hiç, veç Melihatja.

z.Hasan Aliu, nënkryetar i komunës: A ka burrë më të madh se unë në Remnik dhe në LDK, konsideroj që unë jam në mesin e më të voglëve, se ka qishit dhe në Remnik dhe në LDK. Ka edhe në parti politike tjera, ka, por faleminderit në vlerësim. Veç në rast se e ke përcjell veten qka ke thënë, se ke thënë në momentin që nuk ke lujtë ti hiç, të jep me kuptu që nuk ka pas kurgja dhe unë nuk kam çka përgjigjem. Në mometin që unë nuk kam lëviz, d.m.th me qenë prezent, unë edhe nuk kam lëviz, ajo tregon se nuk ka pas kurgja. Për këtë rast nuk ka qenë hiç policia, ka pas takim tjetër. Taulant, në moemtin që thu këtë fjalë, duhet me të ardh keq për personalitetin që po e merrë nëpër gojë. Në radhë të dytë, nuk bënë me thënë policia, se ata mundem me të bënë kallzim penal për shpifje, mund me të bënë. Policia vijtë për çdo ditë, nuk jan kanë për këtë çështje.

z.Jakup Demiri: Nënkyetar, te kjo pyetja ime e dytë që ishte te problemi i projekteve në Smirë, që u lidh muhabeti, se kjo ka të bëjë me të gjitha ato projekte që janë në tërë territorin e komunës, se na këtu i trajtojmë si të tilla. Unë jetoj aty, i shofë më shpesh. Është e vërtet që kontrata kolektive e ka marrë një pjesë të madhe të parave, por kjo ka ndodhë në Vitin e kalum me kontratën kolektive, por për këto projekte që po flasim, i kanë ka 4 vite, dhe problemi im është që, nuk ka qenë komuna serioze me këto probleme që jan shkaktu të qytetarëve. Ne në fshatin Smirë i kemi 3 lëndime serioze të njerëzve që janë lëndu aty. Është mirë me cekë aty, por ai trotuar ka paraqitë problem edhe familjarëve që fëmijët e vegjël duhet me i shqetsu, se edhe sot nuk guxojnë me i lanë vet me shku, se jan 3-4 vende të rrezikshme, ndërsa për te varrezat mendoj që edhe aty duhet me pas një përgjigje pakëz më konkrete. Çka keni me bënë, se është dëmtu rruga prej punimeve. Ne me paret tona e kemi shtrur. Deshta me u lidhë te puna e ministrit. Unë nuk kam dalë me minisitrin, nuk e kam parë të arsyeshme. Unë kam dalë vet i kam vizitu, e kam parë gjendjen si asamblistë veq vet, për mos me bënë politike, ndërsa për zotin e shpisë, unë mendoj që zoti i shpisë nuk ka lënë vend, por ka dhe të tjerë. Nuk dua as ministrin me shfajsu, se mirë është me u lajmru në komunë, por i zoti i shpisë ndesh u pajtu, ndesh su pajtu, për me nivel qendror nuk ka lënë vend. E pikërisht me këtë farë ministrin e ka pas një proces gjyqësor, me të cilin kryetari ka humb. Ai nuk ka humb. Edhe e dimë si i ka raportet Ministri i Bujqësisë me Kryetarin e Komunës, ndërsa edhe unë nuk po e shfajsos, se përnjëmend është e rrugës kur të vjen dikush prej atjehit, me marr drejtorin a dikan, kjo nuk ka dilemë, e me ja ofru qytetarëve, se atë e kanë bizneset prioritar. Është e tmerrshme gjendja me pa, por këto janë fatkeqësi natyrore, duhet sa të mujmë me ju ndihmu.

znj.Lindita Demelezi: I nderuar Nënkyetar, me 27 mars kam kërku që të rregullohet koeficienti i punëtorëve në sektorin publik. Më keni thanë se, është formu një komision, d.m.th 3 muaj janë bërë prej asaj seance. Sa i vyen kohë komisionit që të rregullohet kjo çështje. Drejtor, thatë që ka shumë kërkesa për ndriçim publik. Nuk po kërkoj për një lagje, unë po kërkoj për 2 fshtara që lidhen, dhe është e rrezikshme, ka pas aksidente me fatalitet. Trotuari është i dëmtuar, është i mbluar me bari. Kisha kërku që të ndermirren masa dhe të bëhet kjo punë sa më shpejt.

z.Hasan Aliu, nënkryetar i komunës: Linditë, pasi po donë me qenë kaq konstruktive, nuk e kam bërë unë Ligjin e Pagave, e ka bërë qeveria jote, e ka aprovu. A ka mujtë në kohë mos me bërë këtë laramani? E i ka bërë krejt njëjtë, edhe ata tjerë nuk kanë pas rregullore në atë kohë. Asnjë faj nuk e kemi ne të Komunës së Vitisë. Krejt e ka pas dokumentacionin aty. Ofiqari është ofiqar, ata e dinë që nuk ka komunë pa ofiqar. Pse kanë bërë laramani.

z.Nexhat Halili: Drejtoreshë, tek banjot në Pozheran deklarove se nuk është bërë pranimi teknik i banjove. Pyetja ime është kështu: a ka pranim teknik krejt objekti? Nëse nuk ka pranim teknik për banjo: a ka pranim teknik objekti? Tek mjeku në Sllatinë, ka një kohë të gjatë, nuk është puna veç 2 javë, te pastrimi i oborrit në Sllatinë, se drejtori tha në Pozheran, por unë e bëra për në Sllatinë aty nuk janë barnojat tepër delikate, që me një objekt të vogël mundet me u bërë pastrimi. Për rrugë drejtor, rrugët nuk janë pastru andej nga vijë unë. Ndoshta në këtë regjionin keni punu diçka, por një problem është se i keni 300 kilometra që i keni deklaruar në kontratë, e çmimi i 1 kilometri është 10 euro, e kompania me siguri neglizhon, se për 10 euro 1 km e neglizhon. Te grandit i përfundon. Nënkyetar, unë e kam një dokument, po të tregoj prej DEMOS-it, ku vlera e grandit ka qenë 791 mijë euro, e kanë mbetur 105 mijë euro pa shpenzu, që janë kthyer mbrapa.

z.Illir Zuka: Drejtoreshë, faleminderit shumë që po ndermarrshe sot! Po deshta me u lidhë, se jam marr shumë me ambulanten. Pranim teknik drejtoresha tha, mirëpo që janë tu punu tash, se aty para 1 muaji ka përfunduar punimet që u interveniu në banjo, përndryshe 3 banjo në Pozheran funksionojnë jashtëzakonisht mirë, se aty bëhen veç analizat, se nuk është punë objekti. A ka pranim teknik, është punë që është tu punu kompania tash. Se kanë bërë pranimin teknik dhe nuk është leshu.

znj.Merrushe Ahmeti, drejtoresha e shëndetësisë dhe mirëqenies sociale: Nexhat, me shumë të drejtë e ceke kërkesen tande, dhe ke të drejtë, mirëpo kur e thasë pranim teknik, e mendova në kontestin e përgjithshëm, që nuk është teknikisht si banjo. Në rregull se patjetër që objekti si i tillë e ka pranimin teknik, se nuk ka sens me u punu një numër i konsiderueshëm i stafit dhe vizitorëve vazhdimisht mos të ketë pranim teknik, mirëpo ke fjala vetëm për pjesën e banjove, teknikisht nuk janë në rregull, dhe për këtë arsye nuk janë funksionale, mirëpo kemi me i shiku nëse kemi mundësi me i fut në aspekte buxhetore, me i rregullu ato banjo. Sa i përket mjekut, sipas informacioneve që mi dergun menaxhmeti, se kanë të pamundur me manaxhu secilin individ, tregun që vetëm 2 javë. Nuk ka qenë shkak që u bartë në seli për arsyë të fluksit më të madh.

z.Basri Aliu, drejtori i shërbimeve publike: Sa i përket çështjes së taksistave, unë thashë që, kërkesa ka qenë e tyre me u bart atje, dhe muaj me u ballafaqu me ta, sepse aty kanë qenë të vendosur dhe kanë kërku prej meje gjithsesi që me i bartë atje. E kanë caktuar vet vendin. A kanë punë a nuk kanë, ndoshta edhe këtu nuk kanë pas punë, nuk do të thotë se sezona, sezona varet sigurisht, kur të vijnë tani mërgimtarët kanë me pas punë, dhe plus asaj, po përmenden edhe parkingjet. Vitia është e vogël, unë p.sh.: me ardh me kerr prej shpisë është turp, po edhe ata çka vijnë prej jashtit i kanë diku 200-300 metra gjitha antë, kështu që, edhe sheshin e ka votu ky kuvend, e planin e mobilitetit. Kështu që, ne veç jemi tu zbatu vendimet që i ka marrë ky kuvend. Tjetër, të vijnë prej jashtit shumë na përkrahin në këtë drejtim, e dikujt po i pengon kjo. Ndërsa, sa i përket rrugës për me bërë me ndriçim, duhet me hy në projekt me votu edhe ju buxhetin, por ti edhe ashtu nuk e ke votu buxhetin, e tash po kërkon me hy në projekt, edhe që ka pas aksidente. Nuk është çështja e barnishtave që ka pas aksidente. Aksidente mund me pas prapë, se ka shpejtësi. Ato janë gjëra tjera. Ishalla kurr nuk ka askund, por po kemi edhe në rrugë magjistrale aksidente. Është mirë me i ndriçu gjitha rrugët, por janë gjëra që duhet me shku me rend.

z.Sejdi Emini: Po kyqem te stacioni meteorologjik. U gjujt faji, thanë ministria, e qendra që 25 vite është mujtë me mëndu për to. Nuk po du me marrë unë faj dhe përgjegjësi për askënd hiç, dhe kur është qytetari, mbi të gjitha e kemi qytetarin. Mua më vjen keq me gjujt faj anej knej, se barrën dhe dëmin e bart qytetari, mirëpo

mua më interson tash konkret, që 4 vite që jemi në qeveri: a keni qu projekt edhe kërkesë te ministria, me thanë që kemi nevojë për këtë gjë? Se jemi zonë që për çdo vit bujqësia dëmtohet kaq keq. E di që nuk e keni qu. Qysh po doni me ja u dhanë juve pa e qu? Ki 100 projekte që janë marrë në interes të qytetarit me qindra mijra euro. E ke rrugën për Samakovë, Kerbliq, Stubëll. Gjykatën, ato janë investime të Qeverisë. Qysh mundet me ta dhënë ty investimin për banim social, kur ti nuk e qon kërkesën kur ai të thirrë bjerne të jau jap, ti nuk e çon. Po nuk mundet me ja u dhanë qashtu. Nuk më interson kush është, si është, qytetari është mbi të gjitha, por obligimin duhet me krye si Komunë.

z.Hasan Aliu, nënkryetar i komunës: Në rast se pyet, atëhere dhe prite përgjigjen. Me ra një këshilltar i kuvendit komunal pi ni niveli shumë profesional që po e thu, tani me një nivel shumë naiv, nuk po muj me kuptu. Nuk është sistemi kundër breshrit i aspektit komunal, është i aspektit shtetëror. As kërkesë nuk mund me bë. A e di çka po thu ti, mi thanë ushtrisë, FSK-së blej një airoplan. Ai e blen kur ti ka paret, e blen edhe helikopterin edhe e blen armatimin. Ata e kanë ingjizmin detal. A po mendon që nuk e kanë a! Në kuadër të ministrisë, e dinë edhe cilat nuk kanë qenë veç Viti me ato bombat me shkri breshrin u kanë krejt krahina e Kosovës. Po nuk mund me i bë, se është askept shtetëror.

z.Naim Pira, drejtori i bujqësisë: Po mundeohem me qenë i shkurt, me respektu bile këtë rregullore të punës që e keni votu vetë. Unë e kuptoj që është fushatë zgjedhore, keni hy në fushatë zgjedhore. Me kërku diçka që nuk ke kompetencë, është më tepër se absurditet. Si drejtor i bujqësisë jam interesu për këtë çështje para teje, nja 4-5 here e kam bë në ministri, e kam bë në organe kompetente për këtë çështje, dhe thjesht kanë thanë, hapësirën ajrore të Republikës së Kosovës e manxhon KFOR-i, dhe nuk lejon gjëra të tilla. Pikë! Për ty duhet me qenë shqetësuse me ngritë unë, që 2 vite jam tu i qu dëmet e shkaktume nga ana e fatkeqësive natyrore ministrisë, me ja kompenzu dëmin bujqëve. Nuk ja kompenzon. Ti pe lyp sistemin me ta vendos, që nuk është kompetencë e jotja. Kjo është absurditet, kjo është veç me bë llaf në kuvend, dhe ta fitoj një poen politik tek qytetarët. Nuk është korrekt kjo, nuk të lejon KFOR-i sistemin kundër breshërit, sepse ki të bëjë me raketa. Më thjesht unë jam intersu si drejtor.

z.Taulant Haxhiu: I nderuari Drejtor, unë thashë edhe një here, se di a më ngove me vëmendje. Ata nëse kanë bë një propozim më herët, ata sot po ju doket që kanë gabu me propozimin e vet. Veç, a mundemi prej atyhit me i bart ku dojnë ata? E sa i përket sheshit: a je tu e pa si tu ka blloku Viti? Unë jam banor i Vitisë, edhe ti, por tjerët kur të vijnë, çfarë hapësire të parkingut kanë bre. Tregom ti mu, udha me kalldrëm a po të duket e mirë, po të duket investim i duhur për Viti në atë formë shtrimi i kalldrëmave që është bërë? A është kualitative ajo, a mund me hecë aty me veturë? Juve Remnikut nuk jam tu ju njoft a jeni ju a jo, krejt jeni tu fol kontrast. Veç thuj, si qytetar i vjetër i Komunës së Vitisë: a është kalldrëmi i mirë, dhe a është kualitativ, dhe a të pëlqen si është shtru aty? Nuk po të themë si i përket partisë politike, por po flas si qytetar i vjetër i Komunës së Vitisë.

znj.Majlinda Shabani: Jemi lodhë me kësi përgjigje. Veç arsyetime. Nënkyetari nuk qenka këtu. Kisha pas dëshirë me qenë këtu. Për sa i përket kryetarit, Sokol Haliti, i kemi parë që për më manipulues, më mashtrues, më kryetar shpifës, në fund dhe sulmues, nuk ke se ku e gjenë. Leje pjesën e fushatës. Prej nga fillimi i mandatit kemi pas rsat në kuvend që ka ndodh sulmi fizik, tash kryetarin nuk e kemi prezent, pothuajse në asnjë seancë të kuvendit komunal. Pse nuk e kemi prezent kryetarin? Nënkyetari është tu mundu me gjetë arsyetim tek projektet të cilat po shkaktojnë vonesë për me u përfundu. Edhe tek buxheti, d.m.th që kontratë kolektive në këtë rast e paskan pamundësi dhe e paskan dëmtu buxhetin që mos me mujtë me i përfundu. Hajde qe e paskan dëmtu, por a munden me na tregu neve nënkryetari dhe kryetari, projektet që filllojnë dhe që përfundojnë, pse nuk kryhen siç duhet? Pse duhet një projekt brenda 1 vitit me intervenu 2-3 herë në atë projekt? Pse është dashtë në rrugën Viti-Ramisht, që është shtru ajo rrugë, me u ngushtu? A e din çfarë problematike shkakton ajo rrugë me kalu 2 automjete? Na keni lodh me këto arsyetime. Ne jemi tu e pa se çfarë investime bëhen në Komunë të Vitisë dhe jemi tu e pa logjikën se si ka qeverisë ky kryetar. Qe sa vite qeverisje kemi pa, edhe si rezultat çka ka shkakto kjo, e drejtori këtu, se tash po flasim këtu për sektorin e bujqësisë, po thotë kemi bë kërkesë. Nuk është kompetencë e jona, ti e din shumë mirë rastin. Tash nuk paskeni mujt me bë një kërkesë të tillë. A keni mujt me bë kërkesë për sistemin e ujitjes në fshatin Skifetraj, që ka qenë para disa viteve? E në fushatë Sokol Haliti

ka dalë ka shpif për zëvendës ministrin Imri Demelezin, ku ka edhe aktgjykim, i cili është rast i fitum, që e ka ndalë atë projekt. Arsyetimet ju mundeni me i gjetë menjëherë. Kur të është fjala ofertat që i ka bërë qeveria për investime në Komunë të Vitisë, janë sikur asnjëherë më parë. E kemi pas projektin e përballueshëm social, ku kryetari, Sokol Haliti as nuk ka shpreh intersim dhe gatishmëri për me apliku. Mandej ka shku te ministria pasi është kry afati për aplikim, me i lut, edhe ka pa gabimin që është bërë. Po ajo nuk ka mujt me u kthy. E kemi rastin kur kryetari Haliti premton 4 çerdhe në Komunë të Vitisë gjatë fushatës së tij elektorale. Asnjë çerdhe e ndërtume prej kryetarit Haliti qe sa vjet qeverisje. E për këto 4 viteve të fundit, i ke 2 çerdhe investime që janë bërë prej Qeverisë Kurti. Çerdhja në Drobesh dhe Qifllak. E çka bënë kryetari Haliti, e bllokoi atë projekt që është shumë i nevojshëm për qytetarët e Komunës së Vitisë. Me konkurset që duhet me u zhvillu dhe duhet me u përfundu, dhe sa më parë me fillu.

z.Jakup Demiri: Për drejtorin e bujqësisë kemi pas rast këtu në Viti. Nuk e di a ke qenë ti apo nuk ke qenë, se ke qenë një kohë për shkak rrethanave që ke pas, por kryesuesi e dinë që neve na ka ik një vit pa e dorëzu listën e fermerëve të dëmtum. Kam qenë edhe vet i kyqun në atë punë, po, se fillimisht kanë apliku vetëm pak, 13 apo 14. Kemi prit me rritë numrin, mandej kur e kemi dorëzu u bënë shumë vonë, pasi janë kry procedurat edhe nuk ka funksionu hiq me faj të komunës dhe kanë hupë. Drejtori, Basri Aliu po e sjell kryet. Nuk e di çka po kapesht për çdo send te niveli qendror. Kur ishit në qeveri ju përpara, këtu ka qenë e ndalume e fol, se ne i kemi punët e tona. Tash veç gjuhi atje. Drejtor, asnjë punë nuk të ka bërë për 3 vite. Ndriçimi në Smirë ka nejt ditë e natë ndez, nuk ke mujtë qato drita me i shkym, e ke nejt drejtor. Po nuk kisha nejt 1 minut drejtor. Ki projekte të pa kryme. Plot ke qe 4-5 vite, dhe këtu fol me komoditet. Duhet me të ardh marre, edhe pse nuk është faji yt, por e ke marrë detyrën, se këtu shpeshherë e kam thanë dhe po e themë, sot qeverisë vet Sokol Haliti, bash pa ju vetë hiq. Po është një rregull me pas nënkryetar, më fal nënkryetar, po më vjen keq që po e themë, edhe drejtorat. Ai bash për kurgja nuk konsultohet me juve. E dimë ne, këtu jetojmë, këtu punojmë. Po mos u gjuni muhabetet, jo ashtu jo kështu. Një punë nuk është kry nuk është kry bre. Trotuari në Smirë nuk është kry qe 4 vite. Në fshat u nis, as nuk ka qenë i planifikum, as i parapam, as nuk ka ditë administratori i fshatit. Ne mbajmë takime të rregullta në Smirë. As rruga kur është shtru te varrezat, sen nuk ka ditë as për këto. Mandej që janë bërë, që janë dëmtu kerkush nuk ka ditë. Ne e kemi edhe një listë të dorëzume në komunë para 10 viteve gati janë bërë. Projektet me prioritet në Smirë kurrë nuk janë marrë parasysh. Kështu qeveriset komuna jonë. Për këtë tana ka telashe. I ke 27 projekte të listume këtu. Ti kam tregu që kanë tejkalu çdo afat. Janë 27 projekte të cilat i kanë kalu 3 vjet e tepër pa u kry për atë KAB. Është shumë i rëndësishëm kur të hymë te KAB-i tani flasim, po problemi i barnishtave, i pastrimit të rrugëve e dimë si shkojm, se as 1/3 kompania nuk e kryen punën, e pagesat bëhen, se na në teren jemi. Te puna e ministrit apo e dëmeve, më shkurt për bujqit e skiferave, projektin e kanë bërë, dhe kërkesë kanë qu në email, ministria ka thënë, dorëzoje projektin për sistemin e ujitjes në fshatin Skifteraj, kurrë nuk keni qu. Është njëfar lufte mes qeverisë komunale dhe qendrore. Mandej e dimë problemin e pagave. Vitin e kalum, që veç Komuna e Vitisë me kryeneqsi, gjithë ai problem u pat bërë. Për çka! Që ta luftoj. Po ju kisha lutë që mos të hymë në këto nivele, kur kemi shumë probleme tona, kemi probleme, që qe 2 vite e ke sheshin këtu që unë kur kam ardh tash 1 vit kam thanë, me 15 korrik a mund me kry. Keni thanë po, kryhet. D.m.th të vitit të kalum. Dhe tani po vjen dhe 15 korriku tjetër pa u kry. Mos të harrojmë që, 2021 e 2027 i ke 3 kontrata për projekte me i bërë komunës në vlerën 840 mijë euro të dhanta. E ke këtë gjendje me projekte. 1 milion euro i jep gati komuna për me i hartu projektet e komunës, dhe e kemi këtë gjendje. Asnjë projekt nuk e ke të detajum. Fillon projekti, tani masanej elaborati, ndërhyrjet, kurr nuk kryhet.

z.Naim Pira, drejtori i bujqësisë: Kisha pas dëshirë të kursehem në fjalor, sepse jemi para qytetarëve, dhe unë e di që shkon seanca live dhe japin një mesazh te keq edhe te fëmijët tanë, edhe te qytetarët në raport me fjalorin. kjo ishte si kërkesë e imja dhe si mandar që kam qenë për 8 vite i kuvendit kam aps kujdes në këtë aspekt dhe nuk kam toleru gjera të tilla. Sa i përket vërejtjes, unë në 2023 kam pas gjendjen shëndetësore çfarë e kam pas, por të jesh i bindur që nga atje i kam përcjell seancat e Kuvendit të Vitisë. Vitin 2022 ka ardh udhëzimi administrativ, që i ka marrë kompetencat Ministria e Punëve të Brendshme. Deri në vitin 2022 janë kompenzu dëmet e shkaktuara nga fatkeqësitë e ndryshme elementare natyrore që kanë ndodhë në vitin 2023. Para kuvendit

i ka prezantuar dëmet në kuvend komunal. E kam përcjell nga atje z. Avni Misini dhe unë, kam dëshmi edhe 2023 edhe 2024 që ju kanë dërguar Ministrisë së Punëve të Brendshme, dhe mbetet vlerësimi i dëmeve për kompenzim. Nuk ju ka kompenzuar asnjë cent. Shpresoj, uroj që mas sotit, pas kësaj fatkeqësie që ju ka ndodh në një pjesë të regjionit Komunës së Vitisë të ja kompenzoj, se ajo është në interes të qytetarëve. Kjo do të kishte qenë më e mira, dhe unë si apel po e bëj, edhe nga këshilltarët komunal, por edhe nga ju që keni pushtetin tash në nivel qendror, të bëjmë presion, se bujku fundi fundit nuk i takon asnjë partie politike, bujku punon tërë vitin dhe në fund ja merr për 10 minuta fatkeqësia natyrore bereqetin. Është e dhimbshme për të. Mos të manipulojmë dhe mos të kqyrim të marrim vota nga bujqit.

z.Basri Aliu, drejtor i shërbimeve publike: Për fjalor e përkrahi edhe Naimin, por është edukata e dikujt që e përdor atë fjalor nuk do të ndërhyj. Unë e sjella kryt, sepse nuk është e vërtetë ajo çka e the, sepse unë vet kam qenë sa ka qenë drejtori në shërim atje, dhe me komisionin kam kontakt, listën e kanë pranuar, e kanë shti, e kanë kaluar krejt, por pse s'janë paguar, ajo është pyetje tjetër, atë nuk e di. Me rëndësi Komuna e Vitisë i ka kryer obligimet e veta që u dashitë në mënyrë procedurale. Dikush po thotë qyteti i bukur i Vitisë, por këtë të bukurin kush e ka bërë? Dikush e ka bërë.

Kryesuesi, z.Bekim Azizi: Falemiderit për debatin! Shkojmë me 5 minuta pauzë derisa të qetsohet situata. Vazhdojmë pas një pauze të shkurtër.

z.Hysen Ymeri, shef i personelit: Përhëndetje për të gjithë të pranishmit! Kërkesa për sqarim, për veprimet e fundit të kryetarit të komunës, përkatesisht nënkryetarit, lidhur me anulimet e konkurseve publike. Edhe herën e kaluar pas përfundimit të zgjedhjeve qendrore, 9 shkurtit, e mbani mend, jam deklaruar publikisht, përkunder, mandej që i kam pas disa gjykime edhe verbale nga pak, se unë gjoja kam bërë interpretimin keq, dhe kam bërë me tendencë. Nuk e kam me tendencë, e kam që institucionet komunale me dal mirë me veprimet e tyre ligjore. Vendimet e fundit po mundohem me i ndërlidh me vendimet e më hershme, e mbani mend të nderuar këshilltar dhe ju kryesues, unë jam deklaruar publikisht, nëse fjala ime është ajo që dikush e konsideron se është tendencioze, dhe është me prapavi, atëherë unë mbaj përgjegjësi penale për aktet dhe veprimet të cilat janë bërë. Fatmirësisht si kam thënë unë ashtu ka dalë. Palët e pakënaqura kanë nxjerrë afatet e tyre ligjore, përkunder se nuk ju është dhënë një aktvendim ose me vendim të kryetarit, dhe kanë shkuar janë anku në Këshillin e Pavarur Mbikëqyrës të Kosovës. Këshilli i Pavarur Mbikëqyrës i Kosovës ka thënë ashtu si jam deklaruar unë, vendimet e kryetarit të komunës janë vendime të kundërligjshme, të paarsyetuara mirë dhe në kundërshtim me Ligjin mbi Procedurat Administrative, që do të thotë unë atëherë kam pas me vend. D.m.th kam qenë kundër këtyre veprimeve, sepse duhet me u bërë aktet ashtu siç duhet, siç i ka paraparë ligji, në nderkohë që nuk janë bërë. Ke këto veprime të fundit, janë nxjerrë 2 vendime të Kryetarit të Komunës, përkatesisht nënshkrues është nënkryetari. Mua hiç nuk po ma rrok mendja kështu si jurist, që vendimet e Kryetarit të Komunës i anulon nënkryetari, vartësi i tij. z.Nënkrytar, këto vendime i keni nënshkruar ju, nuk është dashtë me i nënshkruar. Herën e kaluar kam deklaruar se, vendimet duhet të jenë konform ligjit, ta kenë hyrjen, dispozitivin, arsyetimin. Edhe këto 2 vendime nuk kanë përmbajtje, por nga forma në rregull jemi, por përmbajtjen nuk e kanë ashtu siç ka thënë Këshilli i Pavarur Mbikëqyrës i Kosovës me rastin e anulimit të vendimeve, përkatesisht konkurseve. Herën e kaluar në njërin vendim thuhet: duke marrë parasysh mungesën e një raporti nga ana e zyrtarëve të DKA-së, për nevojat e arsyetuara të pozitive, dhe mungesën e koordinimit të zyrave përgjegjëse. Kush e merr vesh, zyra përgjegjëse është Njësia e Burimeve Njerëzore. Ne jemi konsultuar, asnjë veprim nuk bëhet pa planin e personelit. Së pari bëhet plani i personelit, pastaj fillojnë procedurat e rekrutimit. D.m.th nuk keni bërë asgjë, kështu që, krejt këto kërkesa të protokoluara. Fjala është për drejtorin e arsimit, që i bjen, këta i kanë dorëzuar Njesisë për Menaxhimin e Personelit, për t'i proceduar tutje, që do të thotë edhe rastin e çerdhës, përkatesisht edukatoreve dhe stafit teknik. E tani pas shqyrtimit të gjitha rrethanave që lidhen me zhvillimin e konkursit për pozitën edukatore, vlerësoj se ka arsye të mjaftueshme administrative për anulimin e këtij konkursi, por nuk ka arsye, asnjë arsye nuk është pse nuk është, sepse ne jemi kanë në fazën e verifikimit, as komision nuk kemi pas. Është pritë me u formuar për arsye se këtu ka një dallim kohor mes zyrtarëve publik. Fjala është për të arsimit, stafit mbështes dhe teknik. Këta kanë procedura tjera. Afati ligjor 15 ditë. Këta e kanë 30. D.m.th këta janë vonuar për 15 ditë, që do të thotë unë kam qenë në procedurë

të verifikimit të dokumentacionit të kandidatëve. Fatkeqësisht 41 janë, të gjithë janë me fakultet. Tash në ndërkohë menjëherë kemi një ndërhyrje këtu, dhe thuhet, ky vendim merret për të garantuar respektimin e ligjshmërisë, zbatimin e parimit të barazisë dhe transparencës, si dhe sigurinë e një procesi të denjë për të gjithë kandidatët. More nuk kemi fillu në proces ende, nuk jemi në proces të testimit, edhe me shkrim edhe me gojë, jemi larg, jemi në procedurën e rekrutimit, d.m.th është bërë 15 ditë përpara. Edhe tjetra, as në këtë vendim nuk ka këshilla juridike. Ligji për Procedurën Administrative i parasheh se çfarë duhet të ketë një akt administrativ, thotë neni 47, pjesa hyrse, pjesa e urdhërdhënësit, dispozitivi, pjesa e arsytimit dhe këshillat juridike. D.m.th palës duhet të ju tregohet ku duhet të shkoj. Rastin e kemi këtu më së miri me anulimin e konkursit për kuzhinierë. Këtu ka fitues, ka dalë, prandaj këtu është dashtë të ju thuhet, pala e paknaqur ka të drejtë të shkoj në komisionin e ankesave. Pastaj nëse nuk i arrinë qëllimet vetë, ajo duhet të shkoj në gjykatën komunale, jo në Këshill të Pavarur. Dhe thotë kështu: konkursi është anuluar pasi që asnjë anëtarë nuk është i fushës kuzhinierë siç e përcakton neni 11 i kësaj rregullore. Jo kështu nuk është, edhe kjo është keq, sepse mund të mos kemi kuzhinierë, por në vendimin të cilin ja kam përgatit në kryetarin të komunës, thuhet: në mbështetje të Ligjit mbi Zyrtarët Publik, Rregulloren për Procedurat e Rekrutimit të Stafit Mbështetës dhe Teknik, neni 11, pika 2.1 dhe 2.3, dhe 3 nuk e kërkon me qenë kuzhinierë, dhe ky vendim është profesional, nuk ka sen që e ndal këtë, nuk ka jurist në Kosovë që e ndalë këtë pikë. Zijadin Ahmeti, Arian Alidema, Shqipe Lubishtani dhe barazia gjinore, një profesoreshë e gjinisë së kundërt, dhe është përfaqësuesi këtu, çka ka të keqe këtu nese ka pas shkelje këtu, atëhere është dashtë me dhanë këshilla juridike sipas ligjit palët e pa kënaqura. Nuk është asnjëra për fat të keq shumë. Po themë publikisht, këtë punë e ka bërë keq nënkryetari i komunës dhe Zyra Ligjore dhe ata 9 jurista të tjerë që janë aty, sepse kërkund nuk ka akt administrativ. Nëse ma gjenë dikush këtu në ligj, nëse nënkryetari i komunës i anulon vendimet e kryetarit të komunës, unë po shkoj 1 vjet përpara në shpi, po e la administratën komunale. Kështu, prandaj ka shkelje dhe nuk është mirë nëse unë këtu i themë publikisht, se publikisht jam tu i thanë, ajo ana anej ka ajo zyra e bardhë anena, me qu lloj lloj msiti aty me më thanë, ti Hysen Ymeri mos fol shumë palidhje, se po e akuzon kryetarin. Nuk jam tu e akuzu kryetarin, pikërisht unë jam tu e mbrojt. Nuk ka Kryetari i Komunës, Sokol Haliti për veprimet e mia, asnjëherë kurr nuk e ka thirrë as policia, as prokuroria, as Agjensia Antikorrupsion, askush hiq deri sot, sepse unë qëndroj para këtyre vendimeve që i kam hartu, dhe kur ta hartoj unë nuk e shti njerin llugave siç thotë populli, prandaj këta tjerë, nënkryetari, Zyra Ligjore, Albulena Haxhiu dhe të tjerët aty që rrinë, e keni pru edhe një here me shkelje, e keni pru kryetarin e komunës në pozitë jo të mirë juridike, sepse njerëzit ankohen, sepse njerëzit janë tu pru aneksa, prandaj sugjeroj, sepse unë e di, tashti thotë që konkursi publik për çerdhe me u anuluar. Unë e di që kanë me u marrë me e **Endomedin**, nënshkruesin e kontratës etj, por njerëzit munden me fitu kontestin, dhe unë ta garantoj qysh doni, me përgjegjësi penale, se këta, fituesi që kanë fitu këtu 100% kanë me fitu kontestin. Prandaj, nuk dua me pru në lajthim kryetarin e komunës, dhe tash nuk e di a unë që po i themë mos hynë në shkelje ligjore, a ata që po i thonë mashalla që e ki mirë. D.m.th, unë jam ai që jam tu i thanë Kryetarit të Komunës, mos vepro kundërligjshëm, sepse ka thënë vendimi i Këshillit të Pavarur. Dhe është interesant me vendimin e Këshillit të Pavarur. Janë 6 persona, 5 janë të LDK-së, kryetari është i LDK-së, ish kryetari i degës së LDK-së, d.m.th qaq është shkelje, sa edhe atij nuk ja ka marrë mendja me hy llogave, se përgjigjet penalisht. D.m.th, qe ku e ka shkru, këto janë shkelje, prandaj unë e lus kryetarin e komunës edhe njëhere, mos ta merrë asnjë veprim të llojit të tillë të kundërligjshëm, se përndryshe krejt për fund u bëmë kare. S'ka lidhje pse është fushatë. I ki 200 konkurse nëpër krejt Kosovën, krejt kanë të drejtë të shpallin konkurse përditë ministritë, komunat, krejt të tjerat. T'i lajmë këto gjëra, mos të shkelim, nëpërmjet meje shkeljet nuk kalojnë. Faleminderit shumë!

z.Hasan Aliu, nënkryetar i komunës: Po të tregoj të drejtën, unë dashta me të respektu kryesues, se e mbylle, edhe pse pata kërku fjalën, por për shkak të ambientit të krijum, unë do të jem shumë i shkurt. Menaxher i personelit, po të drejtohem, në rast se i ke përcjell punimet e këtij kuvendi sot, po flas, dhe thuhet se, një kryetar i komunës është të cilin nuk e vet askënd dhe del sipas teje, se një nënkryetar i komunës është më i madh se kryetari, dhe ja prish vendimet. Me të vërtet nuk e di si ka me lanë. A jam qaj më i madhi që i prishi vendimet, dhe tjetra, apo është një kryetar i komunës që nuk e pyet askënd, për sqarim të opinionit po e themë, kryetari i

komunës, gjithherë në koordinim nga lamia në të cilën vjen. Unë pajtohem se ti je i përgjegjshëm para ligjit, duhesh me qenë, nuk je i përgjegjshëm shkon në burg, por ashtu edhe kryetari është i përgjegjshëm para ligjit. Edhe këtë çështje veq këtu duhesh me i bashku të dyat. Ligji e kap edhe kryetarin edhe nënkryetarin e komunës. Ti po don me i bishtnu. Ti e din fortë mirë se, në mungesë të kryetarit, që ai e ka pas një rast të rënd familjar të vetin, dhe kur e ka marr vendimin, ju ka drejtu Zyrës Ligjore. Ti shko bjere vendimin. Në rast se nuk jam unë i nënshkrum nënkryetari i komunës, nuk e kam nënshkrum si Hasan Aliu, e kam nënshkru që e zëvendësoj kryetarin, dhe ai vendim është i kryetarit të komunës, nuk është i nënkryetarit, dhe nuk i iki asaj, se është e drejtë e imja me zëvendësu, ligji ka thënë ashtu. E thu se duhet të përmbahem. Çdo jurist ka metodologjinë e vet, po i ik thelbit. Zyra Ligjore ka pru atë vendim në atë formë, tu bazu në Ligjin mbi Vetëqeverisjen Lokale, se kryetari në procedurë administrative është shkallë e fundit, dhe nuk ki të drejtë ankese. Ke të drejtë ankese, por jo në komunë më, i drejtoresh organeve gjyqësore, dhe këtë e dinë ata, dhe këtë çështje. Në rast se për 11 vite e 6 muaj e ke një rast, nënkryetari i komunës që të ka ardh në zyre, apo të ka interferu, apo të ka thënë se kam edhe familjar qaty, rritja atij koeficientin, nuk të kam ndërhy kurrë. Shumë e pastër është kjo punë, se jam i tillë, edhe me mu shkel, edhe kur e meriton me ligj, i vjen koha i rregullohet, po. Po të drejtohem ty këshilltare e kuvendit komunal. Këtë fjalor të cilën e përdore në fund për kryetarin, shko përdore në subjektin tand politik, nuk ke nevojë me më mësu mu, për shkak se ne e kemi propozu për 3 mandate, ka fitu, i kemi besu punës së tij, e kemi propozu, dhe për herë të 4-ër, dhe në rast se ai më dëgjon mu, konsideroj se në momentin kur është nominu, nuk ka çka lyp më në kuvend, se gjithçka është fushatë, se ju po e bëni. Prandaj çështja e rrugës prej Vitisë në Ramnisht nuk është e ngushtume, është e zgjanume.

z.Hysen Ymeri, shef i personelit: Unë këto 2 vendime po i konsideroj si ato tjerat, tërësisht të paligjshme. Aq më keq kur ju e keni nënshkru, sepse jeni profesionist i fushës kogjo gatë. Kjo mu më brengos, se nuk është një jurist i fushës. Mundet edhe mos me i ditë, pajtohem me atë punë, por kur aty ju ka juve, Albulena Haxhiun dhe atë tjerët juriste, ty, dhe ky vendim bie i kundërligjshëm, përkundër se Këshilli i Pavarur të ka tregu se është i kundërligjshëm, unë këtu koment më nuk kam. Për mua janë të kundërligjshëm.

z.Hasan Aliu, nënkryetar i komunës: Veç një pyetje. A i merrë ti pasojat e atij vendimi? I marrim ne.

z.Hysen Ymeri, shef i personelit: Po të kishte prokurori siç duhet, dhe ta nin këtë debat këtu, mes meje dhe teje në kuvend, atëhere duhet me thirr sipas juve, duhet me thirr edhe menaxherin e personelit, se si ka vepru, sepse keni thanë aty në vendim që, nuk ka pas koordinim. Jo, ka koordinim, se këto letra të Drejtorisë së Arsimit asnjë nuk janë të miat, krejt janë me vula, me kërkesa që kanë ardh te unë për me procedu. D.m.th unë kam procedu sipas ligjit, ju keni ndërhy. Aq më keq nënkryetar i komunës, ti edhe Albulena Haxhiu. Keq, për bes keq.

Kryesuesi, z.Bekim Azizi: Pasi që nuk ka për debat, vazhdojmë me rendin e ditës. Materialin e keni marë me kohë.

R e n d d i t e

1. Shqyrtimi dhe miratimi i procesverbalit të mbledhjes së pestë të Kuvendit Komunal.
2. Propozim për shqyrtimin dhe miratimin e Propozim-Vendimit për Kornizën Afatmesme Buxhetore (KAB) të Komunës së Vitisë për periudhën 2026–2028.
3. Propozim për shqyrtimin dhe miratimin e Propozim-Vendimit për themelimin e grupit punues për hartimin e planit vjetor të punës së Kuvendit të Komunës së Vitisë për vitin 2026.
4. Propozim për shqyrtimin dhe miratimin e Propozim-Vendimit për shfuqizimin e vendimit me nr. 01-110/05-402, datë 30.04.2025, për miratimin e planit ndërkomunal për menaxhimin e integruar të mbeturinave për komunat e Gjilanit, Kamenicës, Vitisë, Novobërdës, Parteshit, Killokotit, Ranillugut, Ferizajt, Kaçanikut, Shtimës, Han i Elezit dhe Shtërpces.

Kryesuesi, z.Bekim Azizi: Pasi që nuk ka për debat: a jeni që të miratohet rendi i ditës? Pra, e qes në votim. Me të gjitha votat pro, pa asnjë votë kundër, asnjë abstenim miratohet dhe rendi i ditës.

Si pikë e parë e rendit të ditës.

1. Shqyrtimi dhe miratimi i procesverbalit nga mbledhja e pestë e Kuvendit Komunal

Kryesuesi, z.Bekim Azizi: Hapi debat për këtë pikë të rendit të ditës. Pasi që nuk ka për debat e qes në votim. Pra, me të gjitha votat pro, pa asnjë votë kundër, asnjë abstenim miratohet dhe procesverbali.

Si pikë e dytë e rendit të ditës:

2. Propozim për shqyrtimin dhe miratimin e propozim vendimit për Kornizën Afatmesme Buxhetore (KAB) të Komunës së Vitisë 2026-2028

z.Berat Zuka, zyrtar i Drejtorisë për Buxhet dhe Financa: Përshëndetje për të gjithë të pransihmit! Në mungesë të drejtoreshës, do ta prezantoj Kornizën Afatmesme Buxhetore 2026-2028. Me Kornizën Afatmesme Buxhetore 2026, 01 të lëshuar nga Ministria e Financave, Punës dhe Transfereve, Komuna e Vitisë ju ka qas hartimit të një dokumenti fillestar që i paraprin planbuxhetit për vitin 2026, si dhe vlerësimet për 27 dhe 28. Buxheti i Komunës së Vitisë përbëhet nga 2 burimet kryesore: grandet e performances dhe të hyrat vetanke. Grandi qeveritar si grand i përgjithshëm është i njëjtë në krahasim me vitin 2025, për shkak se deri në këtë vit është marrë parasysh regjistri i popullësisë i vitit 2011, që ka qenë Komuna e Vitisë e prezantume me 46 mijë banorë, kurse kësaj radhe korniza është e prezantume me vitin 2024, që i përfaqësojnë 35 mijë e 500 e diçka banorë, çka do të thotë që, grand i përgjithshëm është i njëjtë. Grandi specifik i arsimit ka rritje vetëm 312, grand i përgjithshëm i shëndetësisë ka 411 mijë e 748 euro, si dhe të hyrat vetanke prej 24 mijë 533 euro. Bëhet pyetje se, të hyrat vetanake janë të vogla, mirëpo ashtu komisioni i grandeve ndërmintor ka përcaktu, sepse ne për çdo vit po kemi rritje të buxhetit për të hyrat venake në vlerë afër 230 mijë euro. Planifikimi jonë ka qenë 1 milion e 350 mijë, mirëpo ata e kanë parapa që edhe në vitin 2026 me 1 milion e 294 mijë e 260 euro. Çka do të thotë që, transferet qeveritare të të gjitha grandeve kapin një shumë prej 17 milion 029 mijë e 555 euro, dhe të hyrat vetanake 1 milion e 294 mijë e 660 euro. Total buxheti për vitin 2026 do të jenë 18 milion e 324 mijë e 211 euro. Themë nuk është një dokument ekzekutues, por është një dokument paraplanifikues i planit të buxhetit. Jemi udhëzu në bazë të qarkores buxhetore që, pagat t'i planifikojmë duke mos i ndryshu koeficientat e muajit mars, mirëpo duke e rritur nga viti i kalum për një koeficient përçdo punëtor që ka planifikim real të pagave vjetore. Kemi ndryshim tek shëndetësia primare për 70 mijë euro rritje të buxhetit për pagesën e kujdestarive dhe pagesave jashtë orarit të punës. Te zjarrfiksat kemi për 30 mijë euro. Nuk e dimë, ndoshta ka qenë mirë edhe te shërbimet e shëndetësisë sociale, mirëpo nuk jemi afruar ta shohim në planin e buxhetit. Si duket edhe këta e kanë të drejtën, mirëpo ne si zyrtar financiar nuk kemi njohuri, se edhe këta a duhet të paguhen për shpeznimet e pagesës jashtë orarit të punës, çka do të thotë që, totali i buxhetit e kemi me 61% prej 64. Krahasimi i buxhetit në paga 2025 dhe 2026 është me një vlerë prej 1 milion 407 mijë e 772, nuk është buxhet final, sepse qarkorja e dytë buxhetore na e përcakton kategorinë dhe Ministria e Financave sikur ne që e bajmë analizën edhe ata e kanë të njëjtat shënime tona, edhe e shohim qarkoren e dytë buxhetore, se sa na vijnë kufiri i pagave. Te kategoria shpenzime, mallra, kemi zbritje prej 94 mijë euro. D.m.th që, zbritja më e madhe është bërë në Drejtorinë e Planifikimit dhe Urbanizmit, që kanë qenë 110 mijë euro. Për hartat zonale 100 mijë euro, është bërë pagesa dhe 50 mijë euro kemi obligime në vitin e kalum, dhe për këtë është bërë zbritja, mallra dhe shërbime. Te komunal kemi bërë zbritje për 10 mijë euro, kurse tek subvencionet dhe transferet është shuma 925 mijë euro. Zbritja është buxhet fillestar, vlerësimi jonë është ky, mirëpo departamenti i buxhetit komunal në kuadër të Ministrisë së Financave i bënë analizat e veta dhe në kufijt final në kateogrinë ekonomike do të na vijnë me qarkoren e dytë buxhetore, dhe do të procesojmë. Nuk është e rrugës t'i prezantojmë edhe disa pengesa personale. Kam pas lëndime në këmbë, kemi pas shumë probelme me pagesat e kontratës kolektive, kemi gjetë mjete, nuk na kanë marrë mjete, por kanë shku na prekën në disa projekte, madje na kanë prek te shërbimet, mallra, dhe shërbimet me një vlerë të madhe, dhe te shërbimet e shëndetësisë primare. Nuk i kanë marrë sugjerimet tona. Vlera e kontratës kolektive deri më tani është afërt 2 milion euro. Çka do të thotë që, shumë projekte kapitale, edhe pse janë duke punuar, fakturat na kanë mbetë në dorë. Mos ta zgjas më shumë. Pasi që materialin e keni marrë me

kohë, dhe dokumentin me disa gabime teknike që i kam përmirësuar, dhe besoj se do të aprovohet nga ana juaj për ta dërguar.

Kryesuesi, z.Bekim Azizi: E dimë që korniza buxhetore është në aspektin ligjor, që në qershor duhet të miratohet që të hapet rruga për diskutim publik për qarkore tjera buxhetore, që në shtator të bëhet miratimi i buxhetit.

z.Jakup Demiri: Në mungesë të drejtoreshës na e prezentoj zyrtari nga ajo drejtori, dhe qysh këtu fillon joserioziteti i komunës. Duhet me sqaru, paraprakisht me sqaru mungesën para se me fol ne, sepse i kuptojmë këto gjëra. Shpesh po na thuni nuk po e votoni. Është problem, se kur nuk të merrash parasysh, kur nuk bashkëpunoni, çfarë obligimi kam me votu një dokument. Mos me lexu këtë pjesën e parë, çka është KAB-i, mos me marrë shumë kohë, po lidhem me zyrtarin që thotë, dokumenti po më duket që është “copy paste”, ka edhe diçka të shtume. Komuna e Vitisë ka gjithsej 39 vendbanime. Prej tyre 38 fshatra, dhe qyteti i Vitisë sipas rezultateve të regjistrimit të popullsisë, Komuna e Vitisë ka gjithsej 46 mijë e 951 banorë rezident dhe 1304 banor jashtë Kosovës të organizuar në kaq fshatra dhe vendbanime. 65% të popullsisë janë mbi moshën 15 vjeçare. Nga viti 2011 deri në vitin 2019, popullsia e Komunës së Vitisë ka tendencë të rritjes, ndërsa të dhënat nga enti statistikor i Kosovës na qetë që, diku i kemi mbi 11 mijë banorë më pak. Kjo nuk më pëlqen ka po e lexoj. Mendoj që nuk ish dashtë me qenë qëtu. Te shëndetësia, ndihmat momentale për familjet në nevojë apo përmirësimi i ofrimit të shërbimeve shëndetësore, ofrimi i shëndetësisë Karitas Kosova, dihet që kontratën e kemi përfundu me Karitasin dhe nuk do të jetë më, do të jetë dikush tjetër, dhe kjo është sikur vitet e kalume, i njëjti sen është i shkrum, ndoshta është gabim shtypi. Përmirësimi dhe rigjenerimi i infrastruktures rrugore, shenjëzimi i komunikacionit, ndriçimi publik dhe numërzimin e shtëpve, që për këto vite kemi ngecë shumë. Këtu transporti, kanalizimi dhe ujit të pijshëm. Këtu ujë të pijshëm kisha thënë më mirë me jek krejt, por nuk është, edhe ata para juve, por është viti i 12-të i qeverisjes, por një pikë ujë nuk është rritë kapaciteti i ujit. Ka pas shtrim të rrjetit të ujësjellis, por nuk është bërë ndonjë gjë. Te uji i pijes dhe me këto fshatra që menojmë që janë në menaxhim apo që keni kontratë me Hidromoraven, por e cila nuk po funksionon, po jemi nëpër këto fshatra ku kanë ujësjellës të lëshuar, por nuk kanë ujë për cilësi, mos të flasim më tu e përfshi ndoshta edhe 1/3 e qytetit të Vitisë, që nuk ka ujë, e leje më kur të ka motë me shi që nuk funksionon hiq. Po lidhem te KAB-i, çka parashef. Në disa komuna tjera e kam hulumtu, dhe thotë, KAB-i për të ardh te draft buxheti është e rrugës dhe primare esenciale që të merret lista e investimeve kapitale në projekte të cilat janë të pakryer, se e shtin komunën në një qorrsokak të aspekteve financiare, dhe është mirë të prezantohet lista e projekteve të pakryera, të koordinohet dhe të pozicionohet në këtë KAB, sikur bëjnë shumë komuna, e që e zgjidhin një pjesë të madhe të problemeve. Mos të harrojmë, vitin e kalum KAB-i i parë kur është bërë edhe kjo listë që shumë komuna e kanë dorëzu, e që Komuna e Vitisë nuk e ka dorëzu dhe nuk e dimë situatën mandej se ku e kemi. Ne po flasim për shumë projekte të pakryme, disa të vogla, disa të mëdha, dhe me kontratën kolektive që është dëmtu komuna dhe të gjitha komunat. Po ish kanë mirë njëra prej pikave të rendit të ditës, para KAB-it me ditë sakt cilat projekte janë prek prej kontrates kolektive, ku e kemi gjendjen financiare, sa borgje kemi. Nëse ju kujtohet, në vitin 2023, në seancën e fundit kam kërku, se neve na duket që nuk e dimë, por e kemi ditë që 2024-a ka me qenë shumë i rand për Komunën e Vitisë, edhe për krejt komunat, dhe kam kërku që me i ditë se sa projekte të kryme janë të pa pagume, sa borgje kemi. Jemi në 2025-ën, në muajin e fundit, qershori, dhe kërkoj prap me ditë se sa projekte, se kishim punu më mirë këtë dokument dhe kishim tejkalu disa prej problemeve apo i kishim parapa dhe i kishim ditë se ku është gjendja me këtë KAB. Shkojmë pak si qorr, po mendoj një vlerësim i jemi është ky, dhe po mendoj që nuk ka qenë boll serioze në këtë farë pune, megjithëse morrem ne një konfirmim për punën e drejtoreshës që i kam kërku në KPF këtë listë të projekteve të pakryme dhe të atyre të vitit të kalum që i kemi buxhetu. Sa projekte kanë qenë që me ditë si e kemi gjendjen për ato përqindje tjera? Që sa kanë shku, është pak e rëndësishme. E rëndësishme është investimet kapitale që marrin një masë të madhe, dhe jessin borxhe. Ne e dimë që çdo fakturë që nuk paguhet brenda 30 ditëshit e ka koston plus, e leje më që vonohen më shumë. Aspektet gjyqësore përmbartuese i ndjekin vetëm procedurat ligjore.

Kryesuesi, z.Bekim Azizi: Në parim kornizën e parë buxhetore çdo herë e kemi votu kështu bllanko, sepse ndahen në vija të trasha, dhe pajtohem gjithqysh që sivjet, më specifikisht të kqyrim te kjo pjesa e investimeve kapitale. Këto janë shtyllat kryesore që ndahet buxheti. Paga që po na merr prapë shumicën e buxhetit, që është 61%, mallra shërbime 3 milion, 290 mijë shpenzime komunale, subvenucione 720 mijë dhe diku 2 milion e 900 mijë janë investime kapitale, që kryesisht te projekte që është pjesa që duhet të diskutohet, edhe diskutimet publike që do të organizohen, ndërsa te kjo pjesa e investimeve kapitale medoj që duhet përnjemend t'i mendojmë projektet që janë në gjysmë.

z.Nexhat Halili: KAB të Komunës së Vitisë 2026-2028. Pasi që në këtë dokument nuk është lista e projekteve, është vështirë që të elaburohet ky dokument, mirëpo si është po e komentoj. Faqja nr.2, te hyrja potencohet se, janë 4 faza të përmbledhuara për zhvillimin e KAB-it komunal. Afati kohor në figurën e mëposhtme Berat. Këtu unë nuk po shofë figurë, këtë vit nuk ka figurë, vitin e kalum ka qenë figura. Te dokumentet e komunës. Tash në bazë të qarkores buxhetore 202601, ky buxhet është përgatit në bazë të numrit të popullësisë së 2024-ës, jo të 2011-ës, ku numri i popullësisë tash prej 46 mijë e 951 është 35 mijë e 556. D.m.th, 11 mijë e 385 banorë i ke më pak. Prioritete që mund të realizohen versionin e komunës i keni përcaktu 3 prioritete te furnizimi ekonomik, mirëpo keni mujtë me cekë edhe pak diçka më tepër. P.sh.: përmirësimi i infrastrukturës, ofrimi i të dhënave të komunës, marketingu i komunës përmes mjeteve informimit etj. Te përmirësimi i ambientit të komunës dhe qëndrueshmëria e tij, shenjëzimi i komunikacionit, prioritet është një udhëkryq për rrugën e Pozheranit, ku kanë ekzistuar semaforat, mirëpo tani nuk janë, është mirë të ju jepet prioritet, të rregullohet. Ndriçimi publik. Në shumë vendbanime ka mungesë të ndriçimit publik. Numerizimi. Edhe këtu shihet se edhe numrat që janë vendos nuk janë të kënaqur si qytetar. Këtu parashihet edhe uji i pijshëm, ku potencoj kolegu, tash për një ambient të pasur, shumë rrugë, shumë vende ka papastërti. Krijimi i sigurisë së qytetarëve të komunës. Te siguri parashihen trotuare, po për mos mi hi më detajisht, tek trotuaret keni deshtu. Te korniza fiskale komunale, buxheti 2025-2028, tabela nr.1, faqe 11, plan buxheti 2025-2028, plan buxheti 2026 01, buxheti 17 milion e 945 mijë e 622 euro. Berat, për vitin 2025 tani e ke tabelën në fund, 17 milion e 950 mijë e 622 euro. E ke një devijim prej 5 mijë euro. A bënë ta dimë pse është viti 2025? Se po të ishte viti 2026, atëherë është vit që planifikohet, se edhe kur është bërë krahasimi mes viti 2025 dhe 2026, është marrë vlera 17 milion e 945 mijë e 622 euro e jo 17 milion e 950 mijë e 622 euro. Te faqja nr.12, të hyrat komunale. Në krahasim me vitin 2025, në vitin 2026 kemi një rritje prej 24 mijë e 533 euro. Janë të planifikuara 1 milion e 294 mijë e 127 euro, ndërsa në tabelë janë 1 milion e 294 mijë e 660 euro. Nuk është vlerë e madhe, por që mund të përmirësohet. 533 euro diferencë. Berat, te tabela planifikimet e të hyrave komunale për burimin, për vitin 2025-2028, buxheti është 18 milion e 324 mijë e 215 për 2026, po te tabela e planifikimit e ke 18 milion e 824 mijë e 215 euro. D.m.th këtu është një diferencë prej 50 mijë eurove. Faqe 15, këtu grandit specifik i arsimit është rritë për 312 mijë. 41 mijë i arsimit, grandit i shërbimeve rezidenciale është i njëjtë, po i keni marrë shumat 155 mijë. Me 155 mijë, jo 160 mijë, me 155 mijë. Faqe 18, viti 2025, nr. i punëtorëve është 1144. 587 janë femra, 557 janë burra. Këtu nuk përputhet hiq. Sa është numri i punëtorëve për vitin 2025? Kur në tabelën nr.11, faqe 23 e ke nr. 1181 punëtor për vitin 2025. Po të ishte 2026, okej, mundet me u ndryshu, por tani 2025. Tabela 10, faqe 23. Berat, grandet dhe transferet qeveritare 1.2 176 milion e 29 mijë e 555 euro. Po ta kishim për buxhet, kishim fluturu si komunë. Te kategoria e investimeve kapitale, duhet të ishte tablë, por nuk është, edhe një aryse shitesë se nuk janë paraqit investimet kapitale, edhe pse jeni mundu me bë një takim me qytetarët për kornizën afatmeseme. Kjo ju ka dështu. Vlera e investimeve kapitale. Dua të pyes, se tash vlera është e zvogëluar. Ju keni bë krahasimin mes vitit 2026 dhe 2025, ju ka dalë 924 mijë e diçka diferenca, mirëpo planifikimi i cili është bërë në vitin 2025, d.m.th, buxheti i vitit 2025, që është planfiku për vitin 2026, në tabelën e mëhershme është 4 milion e 96 mijë e 783 euro, ndërsa tani te planifikim i ri janë 2 milion 940 mijë. Diferenca është 1 milion e 156 mijë e 783 euro. D.m.th kaq keni zvogëlim të buxhetit për investime kapitale. Unë nuk mundem me kuptu, pse arsyeja, pse nuk është paraqitë lista e projekteve. Unë nuk po mundem me kuptu, kur keni pas buxhetin e vitit 2025 të planifikum në vitin 2027, ju ndoshta nuk mundeni me paraqit në vitin 2028, mirëpo në vitin 2028 mundeni me i paraqit projektet, p.sh.: që janë nënshkru kontrata që nuk ndryshojnë. Po e marr shembull, ndertimi i

palestrave sportive shkollore “Kuvendi i Lezhës”, Viti dhe Sllatinë e Epërme, i kanë 2 buxhete të 2024-ës dhe 2025-ës, planifikimi i buxhetit për vite, prej 2023 deri 2027 është 640 mijë, ndërsa 2025 është 488 mijë e 900 euro. E diçka, a bënë ta di arsyen, pse se pash që edhe në raport të auditorit e keni 640 mijë? Keni një mungesë mbi 100 mijë euro aty. Në raport të auditorit e keni, mirëpo në bazë të buxhetit të vitit 2025, ajo delë një vlerë më e madhe.

z.Taulant Haxhiu: Si grup parlamentar ne nuk e kemi ndërmend me zgjatë aq shumë, se të gjitha i thanë. Kërkesa jonë është edhe më herët kur është miratu buxheti. Kemi këtë kërkesë që është esenciale për çdo qytetarë të Komunës së Vitisë. Ajo është kërkesa që me nda një buxhet për rregullimin e ujit të pijshëm. Ju e dini që rregullimi i ujit të pijes, sidomos në qytetin e Vitisë dhe në shumë fshatra nuk është i mirë, kurse ky projekt është i domosdoshëm dhe është projekt i parë që duhet me qenë, pastaj me i mbyll disa projekte tjera, që shumica kanë mbetë në gjysmë. Edhe te ndriçimi publik, sidomos në disa zona të Vitisë, ndriçimi publik nuk është në rregull, sidomos tek lagjia “Hasan Prishtina”, aty ku jam unë, nuk ka ndriçim publik fare, por mbi të gjitha është ndarja e buxhetit për ujë të pijshëm, është interes i të gjithë qytetarëve të Komunës së Vitisë.

znj.Majlinda Shabani: Po mundohem me u ndërlidh në pika të shkurtra për sa i përket KAB-it, sepse konsideroj se gjithsecili prej neve e dimë rëndësinë e KAB-it që ka. E kemi diskutu edhe viteve të kalume, edhe unë realisht tu e pa, ndoshta edhe prej gjendjes reale dhe praktikave të mëhershme se qysh ka vepru Komuna e Vitisë, në fakt e shof shumë me pesimizëm në këtë aspekt, mirëpo në këtë situatë që jemi, konsideroj që është mirë. Paraprakisht, para se të fillojmë, sidomos në planifikimin e investimeve kapitale, me u bë një vlerësim i gjendjes aktuale që e kemi në Komunën e Vitisë, mandej për me qenë edhe real me planifikimet që bëhen, dhe me pa se sa me seriozitet po merren për bazë kërkesat dhe planifikimet që duhen me qenë. Pak a shumë u përmenden prioritetet që duhen me qenë në Komunë të Vitisë. Unë kësaj here pres që mos me qenë e përsëritura e viteve të kalume, por prioritet me i dhanë fillimisht ujit të pijshëm, mandej çështjeve tjera që duhet me i realizu si Komunë e Vitisë, dhe unë uroj dhe shpresoj që kërkesat e qytetarëve kanë me u marrë parasysh, e sidomos prej dëgjimeve që i kemi, sepse jemi tu e pa që, gjithmonë po kemi mungesë të pjesëmarrjes së qytetarëve në dëgjime buxhetore, pikërisht të mos përfshirjes së kërkesave të tyre në planifikimin e investimeve kapitale, diçka që ne duhet me bë dhe diçka që duhet me tregu që, pak a shumë transparencën dhe llogaridhënien që duhet me pas. Tek lista e investimeve kapitale me qenë më të specifikum, dhe ne me i pa emërtimet dhe investimet që bëhen. Tek investimet kapitale, unë uroj, shpresoj që ka me u marrë me seriozisht dhe ka me u trajtu me seriozitet. Kjo është edhe në fund kur të behet me ardh e finalizime, kemi me pas qasje me diskutu për gjithsecilën, për projekte ose investimet kapitale që ju duhet qytetarëve. Dua ta përmend çështjen e qasjes time. Konsideroj që nuk është e duhur me u vlerësu qoftë edukata ime ose qasja ime që kam në kuvend komunal. Qasja ime ndryshon prej rrethanave dhe mënyrës se si nderveprojmë bashkarisht, kështu që, atë e vlerëson dikush tjetër. Besoj që fokusi duhet me qenë te puna e mirë që ju duhet me bë, tek përgjigjet e mira që ju duhet me i dhanë në kuvend komunal dhe te kryetari i komunës, i cili duhet me qenë person i cili plotëson tërë kriteret e kushtet për me qenë një kryetar adekuat për qytetarët e Komunës së Vitisë, dhe mandej kemi me pas mundësi me bashkëpunu, sepse këtë frymën e bashkëpunimit nuk është që e kemi pas këto 4 vite, megjithatë unë uroj dhe shpresoj që kemi me pas kohë me i diskutu këto çështjet tjera që janë me rëndësi.

Kryesuesi, z.Bekim Azizi: Ne jemi këtu krejt anëtarë të kuvendit për me dhanë kontributin tonë, kryesisht për interesa të vendit, konfrom ligjeve që na rrethojnë, rregulloret që i kemi në fuqi.

z.Hasan Aliu, nënkryetar i komunës: 2 çështje të cilat më ranë, e që Jakupi plotësisht ka të drejtë për çështjen e popullatës. Unë besoj që ndoshta shifrat duhet ta ndryshojmë çështjen, se është në rritje. Po, sepse unë kam qenë koordinator. 47 mijë, 1 mijë e diçka i kemi pasë të regjistrum të botes së jashtme, 35 mijë e 600 që i kemi tash rezident, dhe numri i të regjistruimeve, që konsideroj që ka qenë më i madh. Kësaj radhe ka me na tregu se është në rritje, edhe pse prapë konsideroj që nuk është bërë një regjistrim i mirëfillt i punëtorëve tanë në botën e jashtme, por gjithherë më mban shpresa edhe bindja se, Vitia i ka mbi 50 mijë banorë. Si shifra ndoshta duhet me ndryshu, por që jemi në rritje unë konsideroj se po. Unë njëherë e kam ngrit si problematikë jo vetëm për Viti, por për të gjithë kam thanë që unë mundem me u pajtu, shkollën dhe çerdhen që duhet me i pas konform

me numrin rezident, por rrugët, ujësjellësit, mbeturinat duhet me i pas edhe konform tyre, sepse krijohet kaos kur të vijnë 2 muaj veres dhe 1 muaj dimrit. Për çështjen e ujit të pijshëm, interesohem maksimalisht. Ka përfunduar procedura e ofrimit, janë në fazën e vlerësisht, cila kompani do të jetë fituese. Besoj që brenda 2 jave dihet kush është fituesi. Projekti 6 milion e gjysmë, një investim shumë i madh, besoj që do të bëhet zgjidhje e atyre lokaliteteve që janë me Letnicë. Nëse ka kapacitet edhe më të madh, ne do të jemi këtu, do ta shtrimi edhe në lokalitete tjera.

z.Berat Zuka, zyrtar i Drejtorisë për Buxhet dhe Financa: Unë e përmenda që gabime teknike ka pas për shkak obligimeve shëndetësore që kam pas, i kam përmirësuar ato, dhe nëse doni ua prezantoj, dhe çka ka me dërgu në departamentin e buxhetit. U përmend tabela 4. Unë e di që ekziston fotokopja. Atë ditë nuk ka funksionu në korridorin tonë. Unë ja kam dërgu Fatlumi, por nuk e di se si është pshtjell. U përmend "copy paste". Është e vërtetë që buxheti është ndarë me buxhetin e vitit 2024, kurse te të dhënat e barazisë gjinore dhe të dhënat tjera janë të vitit 2021, që nuk kemi mujt edhe unë, edhe Ibadete Hyseni nuk kemi mujt me i nxjerr. Kontrata kolektive na ka prek shumë, mirëpo në raportin financiar tash 6-mujor, dhe në detaje do t'i keni prej cilit projekt janë marrë dhe sa janë marrë, kurse këto në kornizë me i shti këto nuk ka arsye. Lista e projekteve, faktikisht nuk është se nuk e dimë, ende edhe sa do të na marrin afër 2 milion. Na ka marrë përmbaruesi privat, e kemi qu rritjen e buxhetit që në mbledhjen e kalume, 230 mijë. Nënkyetar, më kanë thanë që nuk do ta prekim këtë. Unë besoj që prap kanë me na e marrë, se kemi edhe 250 mijë euro pa pagu.

z.Taulant Haxhiu: Këtë investim që pe bëni: shpronësimin a e keni bërë dhe ku e merrni ujin për me shtu kapacitetin? A ka ndonjë peticion në Letnicë? Se kam dëgju që ka disa peticione, kundërshtime.

z.Hasan Aliu, nënkryetar i komunës: Po, çështjen e pronës e kemi rregullu (nuk dëgjohet).

z.Nexhat Halili: Berat, në këtë buxhet prej 2 milion e 900 e diçka mijë euro që ke për investime kapitale, 2 milion e 500 e diçka i keni obligime që barten prej vitit 2024 në 2025. Juve po ju mbesin veç 400 mijë euro buxhet për investime kapitale. Ju me 400 mijë euro ju jeni të obligum me hy në obligime për vitin tjetër.

Kryesuesi, z.Bekim Azizi: Ne e kemi diskutu, dhe të gjithë e dimi që, çdo vendim, pa marrë paraysh me sa vota votohet, nëse votohet kalon pro. Atëherë çdo vendim është i të gjithëve.

z.Jakup Demiri: Nuk kam diçka personale, po një dokument që nuk e kam qysh me votu, se kornizën e votojmë, se puna te buxheti. Kjo është bërë praktikë. Ju i keni dokumente tjera, ne i kemi tjera. Nuk është në rregull.

Kryesuesi, z.Bekim Azizi: Unë kisha kërku prej të gjithëve që të votohet, pasi është kornizë. Ne kemi pas edhe një debat të organizum, nuk ju kanë përgjigj qytetarët, nja 4-5 këshilltar kanë qenë këtu, prej Drejtorisë së Financave nuk ka qenë askush. Me përmirësime teknike, se dokumenti nuk guxon të jetë tjetër, por përmirësimet teknike, që tregon përputhjen e vlerave që tregojnë, dhe Berati që kemi gabime teknike, që kemi përmirësime. Kërkoj që të miratohet ky dokument me përmirësime teknike, dhe ata ju dërgohen me e-mail çdo këshilltari. E qes në votim. Pra, me të gjitha votat pro, pa asnjë votë kundër, asnjë abstenim miratohet dhe kjo pikë.

Si pikë e tretë e rendit të ditës:

3. Propozim për shqyrtimin dhe miratimin e propozim vendimit për themelimin e grupit punues për hartimin e Planit Vjetor të Punës së Kuvendit të Komunës së Vitisë për vitin 2026

Kryesuesi, z.Bekim Azizi: Kemi kërku formimin e komisionit për hartimin e planit punës së kuvendit. Është aspekt ligjor. Mendoj që duhet ta bëjmë deri në shtator, që të miratohet për shkak që viti i ardhshëm, kur të vjen kuvendi ri, ta ketë planin e punës. Plani i punës 90% shkon që bazohet në aspektin ligjor, mirëpo duhet ta bëjmë një komision. Zakonisht përherë kemi shku kryesuesi i kuvendit, sekretaria e kuvendit nga një përfaqësues prej partive dhe një prej shoqërisë civile. Ju kisha kërku që me pas përfaqësim që duhe të jetë prej 7, duhet me qenë së paku 3 femra. Prej Vetëvedosjes, zn.Lindita Demelezi, prej LDK-së zn.Zejnepe Osmani, prej PDK-së, znj.Anisë Zejnullahu, prej AAK-së, z.Reshat Azizi, prej shoqërisë civile, z.Shyqeri Halabaku. Pra, a jeni që të miratohet ky komision? Me të gjitha votat pro, pa asnjë votë kundër, asnjë abstenim miratohet edhe kjo pikë.

Si pikë e katër e rendit të ditës:

4. Propozim për shqyrtimin dhe miratimin e propozim vendimit për shfuqizimin e Vendimit për Miratimin e Planit Ndërkomunal për Menaxhimin e Integruar të Mbeturinave për Komunitetet e Gjilanit, Kamenicës, Vitisë, Novobërdës, Parteshit, Kllokotit, Ranillugut, Ferizajt, Kaçanikut, Shtimës, Han i Elezit, Shtërpçës, Vendimi me Nr.01-110/05-402, i datës 30.04.2025

Kryesuesi, z.Bekim Azizi: E dini që kemi miratu planin e menaxhimit të mbeturinave, që ka qenë i përpunuar prej GIZ-it me të gjitha këto komuna që përmenda. Vendimi nuk është i jashtëligjshëm, por plani ka shumë gabime dhe është kthyer prej ministrisë. D.m.th, të gjitha komunat që e kanë miratu ju ka kthyer ky plan. Ministria e ka kthyer që duhet të shfuqizohet derisa të bëhet plani më i mirë. Hapi debat për këtë pikë të rendit të ditës. Pasi që nuk ka për debat: a jeni që të shfuqizohet edhe kjo pikë? Me të gjitha votat pro, pa asnjë votë kundër, asnjë abstenim shfuqizohet edhe kjo pikë.

Faleminderit nga të gjithë për kontributin e dhënë në këtë seancë.

Mirë u pafshmi në seancën e radhës!

Mbledhja përfundoi me punë në ora 13:30 min.

Procesmbajtësi:
Fatlum Demiri

Kryesuesi i Kuvendit Komunal:
Bekim Azizi
